

حزب عدلیہ

۸ جمادی الاول ۱۳۲۸ چہار شنبہ ۵ مایس ۱۳۲۶

نومرو ۱۱

برنجی سنہ

قِسْمِ شَرِیف

نوبہات عدلیہ

یانیہ ولایتی استیناف مدعیٰ عمومیلکنہ آیدین ولایتی مرکز بدایت محکمہ سی حقوق رئیس مصطفی شریف افندینک ، موصل ولایتی استیناف محکمہ سی اعضالغہ سالیانیہ سنجاغی مرکز بدایت محکمہ سی مدعیٰ عمومی معاون مصطفی اندینک ، سالیانیہ سنجاغی مدعیٰ عمومی معاونلکنہ موصل مرکز بدایت محکمہ سی سرمستطقی عبدالغنی افندینک ، جبل غربی سنجاغی مدعیٰ عمومی معاونلکنہ سوریه بدایت محکمہ سی سرمستطقی فخرالدین افندینک ، سافر تجارت محکمہ سی ریاستہ حلب ولایتی بدایت مدعیٰ عمومی معاون سابق حامد بکک ، سنیچہ سنجاغی بدایت محکمہ سی اعضالغہ خیرہ بولی قضاسی بدایت اعضاسندن عثمان افندینک ، آیدونات قضاسی بدایت مدعیٰ عمومی معاونلکنہ مکتب حقوق مأذونلندن فریدون بکک ، لوشہ قضاسی بدایت مدعیٰ عمومی معاونلکنہ قالقاندان قضاسی بدایت محکمہ سی اعضاسندن معشوق افندینک نقل وتمینلرینہ وبک اوغلی بدایت محکمہ سی مستطقی اعضاسندن سرکز قرہ قوچ افندی ایلہ نظارت اوراق مدیری کال بکک وپرشتہ سنجاغی بدایت محکمہ سی جزا دائرہ سی رئیس صادق افندی ایلہ اسپارته سنجاغی



بدایت محکمه سی جزا دائرہ سی رئیس عارف افندیك اجرای بجایش مأموریتلری خصوصه اراده سنیہ حضرت پادشاهی شرفتعاق بیورلش ومومی الیهمدن نحاف اولیانلرک تحایفلری در دست اجرا بولمشد .

ماده قانونیه

۲۳ ربیع الآخر سنه ۳۲۸ و ۲۱ نیسان سنه ۳۲۶ تاریخ ۱۲۸۸ نومرولی تذکره سامیه صورتیدر :
اٹنه ولایتہ مخصوص تصفیہ معاملات تجاریہ قانون موقتک طقوزنجی ماده سی مقامه قائم اولق اوزره تنظیم و مجاس عمومیه تعدیلا قبول و تصدیق اولنوب مرعیت احکامنه بالاستیذان اراده سنیہ جناب خلافیناهی شرفتعاق بیوریلان ماده قانونیه ایله قرارنامه نك دیوان هایوندن مصدق صورتلری لفاً صوب عالیترینه اسرا و داخلیه نظارت جلیله سنه ده تبلیغات اجرا قلمش اولغسله اجراء ایجابنه همت بیورلسی سیاقنده تذکره ثنوری ترقیم قلندی افندم .

اٹنه ولایتہ مخصوص تصفیہ معاملات تجاریہ قانون موقتک طقوزنجی ماده سی تعدیلا قلمه آلتان

ماده قانونیه لایحه سی صورتیدر

قوتقورداتو عقدی ممکن اوله مامش و یا اکثریت مطلقه شخصیه و مبلغیه ایله عقد اولنان قوتقورداتو محکمه جه شایان قبول کورلما یوب مدیون طرفندن دخی اکثریت ثلثان مبلغی بی تأمین ایدمک بر مقدار تزید ایدله مامش اولور ایسه محکمه جه داینلرک حق مطالبه لرینک بر سنه مدته تأجیلنه و بر سنه نك ختامندن صکره ایکنجی سنه نهایتنده یوزده اون و اوچنجی سنه نهایتنده یوزده اون بش و دردنجی سنه نهایتنده یوزده یکریمی و بشنجی سنه نهایتنده یوزده یکریمی بش و آلتنجی سنه نهایتنده دخی متباق یوزده اوتوز تأذیه سیله دینک تماماً تسویه سنه حکم ایدرک معامله تصفییه نهایت ویرر انجق هر سنه نهایتنده تسویه سی مقرر اولان مقداری تسویه ایتیمان تاجر اشبو مساعده مخصوصه دن مستفید اوله میوب اصحاب مطلوبنک مراجعتیه ویریلان تصفییه قراری رفع ایدیلرک حقنده قانون تجارتک احکام عمومیه افلاسیه سی تطبیق اولنور .

ذیل

برنجی ماده ده معین اولان مدت مراجعتک تمیدی حقنده کی ذیل اخیر اشبو ماده مدله نك ولایت غزیه سیله نشری تاریخندن ابتدار ایده جکدر . ۱۹ ربیع الآخر ۳۲۸ ۱۶ نیسان ۳۲۶

عدلیه ناظری
نجم الدین
صدراعظم
ابراهیم حق

قرارنامه صورتیدر

اٹنه ولایتہ مخصوص تصفیہ معاملات تجاریہ قانون موقتک طقوزنجی ماده سی مقامه قائم اولن اوزره حکومتجه تنظیم و مجاس مبعوثانجه تعدیلا قبول اولنان ماده قانونیه لایحه سی لاجل التعدیل مجلس مذکورہ اعاده اولمش ایدی . تعدیلات مذکورہ نك مجلس مبعوثانجه عیناً قبول ایدلدیکنه دائر مجلس مذکور ریاستندن وارد اولان ۱۲ نیسان سنه ۳۲۶ تاریخلی و قرق سکز نومرولی تذکره هیئت عمومیه اعیانده قرائت ایدیلرک سالف الذکر لایحه قانونیه نك اولوجهله تعدیلا قبولنه بالاتفاق قرار ویرلشددر قانون اساسینک اوتوزنجی ماده سی موجبجه طرف حضرت پادشاهییدن بالامضا تصدیق بیورلدقندن صکره و صدارت ایله دائره متعلقه سی نظارتی جانبندن امضا ایدلدکن صکره جريدة رسمیه ایله بالاعلان موقع تطبیقه وضع اولنق اوزره اشبو لایحه قوه اجراییه تودیع قننور .



اصول محاکمات حقوقیه قانونیه ذیل اولق اوزره تنظیم قننان مواد قانونیه نك

اسباب موجب لایحه سی

اوتوز سنه نك بر تجربه مدیده ایله ثابتدرکه تشکیلات عدلیه دن خالقک عدم ممنونیتی تولید ایدن احوال و اسبابک باشایجه سی رؤیت دعاوی امرنده اصول محاکمات حقوقیه جه موضوع اولان قواعدک طول مدت دعاوی بی تعویقاته اوغرا ته جق صورتده اولسندن منبشددر .
فی الحقیقه اصول محاکمه حاضره دعاوی حقوقیه نك سرعت رؤیتنه اودرجه حائلدرکه ارباب حقوقک استحصال حق امرنده چوق کره محکمه لردن تخاشی به مجبور اولدینی کورلمکده در . بین الافراد وقوع بولان اختلافات در حال حل اولنوب ده احقاق حق کیفیت سرعت وعدائله حاصل اولمدقجه ناسک یکدیگرینه قارشی امنیت واعتباری اولسبتده منکسر اوله رق ارباب سرمایه سرمایه لرینی ، ارباب عمل عمل لرینی حفظ وصیانت داعیه سنده بولنه جق لردن مملکتک محتاج اولدینی انکشاف مساعی حد اصغری به تنزیل ایدلمش اولور . بالعکس حقانیتک سرعت حصولی وقواعد متینه ایله باب تزویرک انسدادی افرا ده جسارت بخش اوله رق یکدیگرینه امنیت واعتبار تزاید و معاملات ناس سهولته توسع ایدر واعتماد عمومی متقابلاً انکشاف ایتش بولنور .
بناءً علیه دعاوی حقوقیه نك سرعت حلی و اصول محاکمه ایله ابواب تزویرک انسدادی امنیت عمومیه نك یکانه ضمانیدر دینله بیلور .

قرار قرينه لرك قابليت استينافيه وتميزيه سييله . بل كده برعصر مدت تطويلي درجه امكانده بولنديري لان دواوينك خلقه ويرديكي دهشت ومعاملاته ايراث ايلديكي صعوبت مقدما هيئت دواتك نظر دقتندن دور اوله مامش وبوكا برچاره عاجل اولمق اورزه مقررات مذ كورده نك قابليت استينافيه وتميزيه سي رفع ايدلش ايسهده قصر محاكاته خيليجه فائده سي كوريلان بوكيفيت اصول محاكمه نك احكام عموميه سنك ايجاباتندن اولان تطويلات بيهوده ومشكلات مصنعه ي بتون بتون ازاله ايدمديكندن احتياجات ناسي تظمين ايدجك اصلاحات اساسيه دن معدود اوله مامشدر :

از جمله تعويق دعواي التزام ايدن فك احداثه مقتدر اوله بيله چكي بي نهايه مدفعات ابتدائيه ومسائل اعداديه اوزرينه آري آري قرارلر اعطاسنه مجبوريت محاكاتي نامحدود برصورتده تطويل وتمديد سببت ويرمكده اولديني كي اصول محاكمه نك اشكال حاضره سي اعتباريله محكمه لر دخي كنديلرينه عرض اولسان دعوانك نه دن عبارت اولديغنه و طرفينك استناد ايدجك كوري اسباب وعمله وبواسباب وعالي مؤيد اوله رق ابراز ايدجك كوري اوراق ووثائقه وحتى على الاكثر طرفينك تعقيب ايدل كوري غايه ومقاصده قطعياً واقف اوليه رق رؤيت دعوايه مباشرت ايتكمده اولدقلرندن امر محاكاته وضوح و حقيقتندن زياده تشوش ومبهيت حكم سورمكده وبيله چه بر سلسله محاكاتندن حاصل اولان ضبطنامه لر صحيفه لرجه بي سروب افادات ومدعيات ومدفعات ايله مالي اوله رق بوميانده استنتاج حق وحقيقت جدا دوجار اشكال وصعوبت اولمده بولمشدر . بوضبطنامه واعلامات صحيفه لرينك ييغنلري آرسنده حكامك تدقيق مساله ايله حقيقتيه وصولاري وحكم وقانون وعدالته موفق حكم ويره بيلملي امر دشوار اولدقلندن بشقه اعلامات مذ كورده نك تدقيقات استينافيه وتميزيه سنده دخي عيني مشكلاته تصادف ايدلك حسييله خطيئات ونواقصدن عادي مقررات اتخاذي مستحيل اولمده در .

واقعا اصول محاكمه حقوقيه نك هيئت عموميه سي آرسنده تأمين آهنگ ايچون بيك باشدن برقانون لايحه سي وجوده كتير مك لزومي دركار ايسهده بويه بر اصول محاكمه تنظيمي بك چوق تدقيقات وتبعات و بناء عليه اوزون وقته متوقف اولوب تقايص مسروده ايسه مصالح عامه نك سلامت جريانه حائر تأثير موادمهمه ومستعجله دن بولنديغندن صورت مكملده برقانون لايحه سي وجوده كتير يلنجيه قدر انتظام محاكمك وسرعت رؤيت دعاوينك لك زياده محتاج اليه اولان موادك تنظيميله مصالح عامه نك تسهيل ومخاير موجوده نك رفعيله حقوق ناسك تأمين سلامتي مناسب كورلشدر .

بونك ايچون ماده ي محتوي اوله رق قلمه آنان قانون لايحه سي مجلس عمومينك نظر تصويب وتصديقه عرض اولنور .

لايحه مذ كورده نك فصل اولي محاكم حقوقيه وتجاريه نك صلاحيته متدائر اولوب في الحقيقه اصول محاكمه

حاضره ده محكمه لرك صلاحيتي مسئله سي غايت مجمل ومبهم صورتده تمهيد ايدلش وبوندن دولايي بك چوق تغيرات واجتهادات متخالفه ميدان آلهرق معاملات ناسده بك زياده صعوبت توليد ايلكمده بولمش اولديغندن صلاحيت محاكمك برصورت واضحده تعييني لازمه حالدن كورلشدر . واقعا اصول محاكمه حاضره دن اقدام نشر اولنان اصول محاكمه تجارت قانوننده صلاحيت مسئله سي بر درجه ده واسع صورتده تنظيم ايدلش ايسهده قانون مذ كورك اليوم يالكر محاكم مختلطه ده مرعي اوله رق محاكم حقوقيه وتجاريه ده انجق اصول محاكمه حقوقيه معمول به اولديغنه مبني محكمه لرجه اصول محاكمه تجارت احكامنه توفيق قرار ايدلسي ممكن اوله مديني كي ذاتاً قانون مذ كورك مندرجاتي دخي معاملات ناسك حال حاضرينه واحتياجات عاميه غير كافي بولنديغندن في مابعد مشكلاته محل براقلميه جق صورتده شومسئله نك دخي قواعد ساليه ربيط ضروري كورلدي .

صلاحيت امرنده لك زياده نظر دقتي جالب اولان جهت طرفيني كلفندن ومحاكمه يي عسرتدن صيان اولوب بوندن مدعي عليه مدعينك اقامتكاهي محكمه سنه تابع قيلمده مدعي عليه ايچون نفس عقد ايله تحمل ايتديكي بر كافتي تحمیل معناسي موجود اولديني كي بر محله بر عقد وتوعندن صكره دخي مدعي عليه او محلدن غيوبتيله مدعي بي بهمه حال اونك تابع اولديني محكمه يه تابع قيلمده دخي عيني درجه ده مدعي ايچون بر كافت موجود اولديغنه بناء هر دعوانك رؤيتي مدعي عليه اقامتكاهي محكمه سنه عائد اوله جني اساسي قبول ايدايكده برابر تعهدك اجرا قلنديني ويا متعهد بهك تسليم اوله جني محل محكمه لرينك دخي عيني درجه ده رؤيت دعوايه صالح اوله جني اساسي قبول ايدلشدر . واقعا اصول محاكمه حاضره دخي همان عيني مالد ايسهده تعهدك اجرا قلنديني ويا ايشيانك تسليم اوله جني محل محكمه لرينك رؤيت دعوايه صلاحيتي مدعي عليه اقامتكاهي اولماسي قيديله مقيد قلنمش وبوقيد قانونينك صورت معقولده تفسير يي حائده مشكلات ملحوظه يي محل قالميه جني طبيعي بولمش ايسهده تفسيراتك برشكل معينه جرياني قابل اولمديغندن محاكمه مختلف اجتهاداته يول آچيلمش اولديغندن ماده مذ كوره بصورتله ده صريح اوله رق قلمه آلمشدر .

بوندن بشقه شركايننده كي دعاوينك تصفيه معامله سنك ختامه قدر شركت مركزينك بولنديني محل محكمه سنده رؤيت اولمسي واشخاص ثائنه ايچون دخي عيني اساس محفوظ اولمده برابر شعبات مختلفه يي حاوي اولان بر شركتك شعباتندن بريله اولان معاملاتدن دولايي اشخاص ثائنه نك كرك مركز شركت وكرك هر شعبه نك بولنديني محكمه لر دن هر هانكي سنه استرسه مراجعه صالح اولمسي وممالك عثمانيه نك جهات مختلفه سنده شعبه لري اولان بر شركت عليه واقعه اوله جق افلاس ادعاسنك يالكر مركز تجارتك بولنديني محل محكمه سنده درميان ايديله بيلمسي وافلاسدن تولد ايدن ويا افلاس ائسانده وقوع بولان وحدوثي آنجق افلاسه متوقف اولان دعاوينك افلاسي رؤيت ايتكمده بولسان محكمه ده حل وفصل اولمسي واموال غير منقوليه متعلق دعوا لرك غير منقولاتك بولنديني محل محكمه سنده اقامه ايدلسي وجرمدين منبعث اولوب محاكم حقوقيه ده

رؤيتي جائز اولان تضمينات دعواييك جرمك وقوع بولديني محل محكمه سنده كورلمسي اساسلري قبول ايديلهرك صلاحيت مسئله سندن تولد ايدجك اختلافات ومشكلاتك برطرف ايدلسنه عطف دقت ايدلمشدر .

* *

لايحه مذكورنك فصل ثاني سي اصول محاكيات حقوقيك محاكيات ابتدائيه دائر اولان احكامنك بعض مرتبه تعديل متضمن اولوب بونك ده الهمي مرافعة شفاهيه كيريشمزدن اول طرفينك مدعيات ومدافعانك واستناد ايتدكلى اسباب وعلل قانونيك لايحه شكلنده اوله رق دعوى ومدافعه اساس اولان اوراق ثبوتيه وسندات صورتلريله برابر يكديكرينه تبليغي خصوصندن عبارتدر . اتخاذ ايديلن بواصول ازهرجهت فائده بخش اولوب اولاد دعوانك ومدافعهك ماهيت حقيقيه سندن طرفينك خير و آگاه اولمسي وبونلره قارشى واقع اوله جق دفعك مهل معين ظرفنده سلامت فكر ايله تأمل اوله رق علل واسباب قانونيك محتوي بر صورنده و كمال وضوحه درميانه ميدان بولمسي ، ثانياً مدافعة شفاهيه غايه ومقصودك نه اولديني آكلا شلمق سز ين بي نهايه احداث اولنه جق مدافعات ابتدائيه و مسائل اعداديه محل بر اقليمه رق تعويق دعوايى منتج اولان وسائل مصنعهك رفع ايدلمسي ، ثالثاً استناد ايديلهرك اوراق و وثائق ده مبادي دعوايه معين ايدلرك مرافعات شفاهيهك نتايجندن اولان محاكيات دورا دور آره سنده پيدري اظهار و اراءسي دائرة احتمالده بولنان بينات مشكوكيه ميدان و يرليهرك تزويرانك او كي آلمسي ، رابعاً محاكيات مديده شفاهيه ده متادياً بر سلسله مقرراته ميدان ويرن واكثر اناوع تكررات وتناقضات آره سنده حقيقت مسئله يي غائب ايتدري مغالطات بيسوده محل بر اقليماسي ، خامساً حكامك مدافعة شفاهيه دن اول ماهيت دعوى نظر لرنده تماميله تعين وانكشاف ايدلرك محاكمهك نه طرزده ونه طريقده تعقيب و جريان ايتدريلك لازم كله جكي حفته بر فكر مخصوص حاصل اولمسي واساسي دعوى ومدافعاته وقوف تام نتيجه سي اوله رق هسانكي نقطه لرك اهميت قانونيه سي بولنديني وهانكي نقطهك ايضاح وتنويري لازم كله جكي آكلا شيله رق آكلا كوره سلامتله محاكمهك اداره ايدلمسي ، سادساً دعوى ومدافعه ده وضوح مطلوبك تأمينيله تدقيقات قانونيك تسهيل اولمسي ، سابعاً ضبط نامه لرله اعلاماتك هر درلو ايهام واغلاقدن تعريضيله استيناف وتميز تدقيقاتك سلامت تأمين ايدلمسي كي بك چوق منافع وفوائد جامع اولديغندن اصول مذكورنهك تطبيقنده طرفينك حقوق صحيحاً تأمين ايدلمش اولديني كوريلهرك عامه ناس عندنده معاملات محاكمه اعتماد وامنيته حصوله خادم اوله جني شه سز ظن اولنور .

ملكتمزده دعوى وكالاتي صنعتك هر طرفده مكملأ تعمم ايتمه مش اولسندن ناشى وكيل معرفيله تعقيب دعوى مجبوري اولديغندن هر كس كندى دعواسي كنديسي تعقيب ايديلهركي دوشونيلهرك اوراق ولوايحك يكديكره متقابلاً تبليغي اصولي بوكي اشخاص ايچون مشكل وبلكه ده غير قابل اوله جني ملاحظه سي نظر دقتدن دور طوتلامش ولايحه مذكورده بونلر ايچون ده ساده ودها عملي برتديير اتخاذ اولنمشدر شويكه : لايحه تنظيم وتعاطيسنه مقتدر اوليان بوكي اشخاص دعوى عريضاتي تقديم ايله برابر محكمهك ضبط

كاتبه مراجعت ايدرك دعواسي ومستندات قانونيه سي ضبط ايتدريهرك وزيرني امضا ايله بو ضبط نامهك بر صورتى استحصال ايدجكدر . ضبط كاتبي اشبو ضبط نامهك ديكر بر صورتى مدعى عليه اصولي دائره سنده تبليغ ايتدريهرك ومدعى عليه دخي لايحه ويرمك ايتمديكي تقديرده كذاك مهل معين ظرفنده ضبط كاتبه مراجعتله دفع دعواسي ضبط ايتدريوب امضا ايدجك ومستندات قانونيه سي كذاك ضبط كاتبه تويغ ايله جكدر . بو ضبط نامهك دخي بر صورتى مدعى عليه استحصال ايدجك وديكر صورتى كافي السايق مدعى به تبليغ اولنه جقدر مدعى بوكا جواب ويرمك ايتديكي حالده عيني معامله تكرر ايدجك ومدعى عليه دخي عيني طرزده جواب اعطا ايدلكدن صكره مدافعة شفاهيه به ابتدار اولنه جقدر .

تفصيلات آفهنده مستبان اولديني اوزرد اتخاذ وقبولي مصلحت ناسه موافق كوريلن شواصول تماميله يكي ومحدث برشي اوليوب اوتدن بري محاكم شرعيه ده طوتيلان ضبط دعوى اصولك بر مرتبه تعديل ايدلمش طرزندن عبارتدر كه بونك نه درجه مفيد اوله جني تطبيقته ابتدار اولنور اولناز تظاهر ايدجكدر .

آنچق اكثر يتله اهل قري بيننده تحداث ايدن دعاوى جزئيهك بساطته وذاتاً اوراق وسنداته اثباتي ضروري اولماسنه بناءً بواصولك دعاوى مذكورده تعميمنده بعض كونا كلفت ملاحظه قلنمش اولديغندن وذاتاً بونوع دعاوينك قسم اعظمي محاكم صالحيه نظامنامه سيله بشقه بر اصول محاكمه يه تابع قلنديغندن اتخاذ اولنان قاعده شمديلك يالكز قايل استيناف اولان دعاوى به حصر ايدلمشدر كه تطبيقنده فائده مطلوبهك حصوله جدأ قناعت كلديكي تقديرده قاعده مبحوثهك قابل استيناف اوليان دعاوى يهده اشالي کوچ برشي دكلدر .

فصل مذكورك جمله محتوياتندن اولان مرافعة شفاهيه مسئله سي ابتداء اوراق ولوايحك ويا دعوى ودفع دعوى ضبطلرينك تعاطيسي مناسبيله غايت ساده بر طرزده افراغ ايدلمشدر . اول امرده ادعا ومدافعهك شكلي تعين ايدلمش اولوب طرفين بالجمله مدعيات ومدافعاتي لايققطع ايضاح وتفصيل ايدجكدر ايسه ده بوايضاحات وتفصيلات مدعيات ومدافعات مضبوطه ومباغنهك فوقه چيقاميه جفندن لوايح وضبط نامه لر مندرجاتي دائره سنده وقوعي طبيعي اولان ايضاحات مذكوره آنچق حكامك وسامعينه تنوير فكر و وجدانه خادم اوله جني وبوميانده رئيس محكمه مهم وقار شيق كوردكي وياتاميله ايضاح ايدلمه مش بولنديني نقاطي طرفيندن استيضاح ايديلهركي . ضبط كاتبي بوايضاحات شفاهيه اثناسنده يالكز لايحه مندرجاتندن فضله بر دليل قانون درميان اولنديني ويا اقرار و فراغت كي ذات حكمه مؤثر بيانات وقوع بولديني تقديرده آلري ورئيس محكمهك مناسب كوردكي نقاطي ضبط ايدجك ونهايت بر جلسه ايله محاكمه يه ختام ويريله جكدر .

محكمه اثناي مذاكره بالجمله مدعيات ومدافعاتي بر قرار ايله حل وفصل ايله جكدر . شوقدر كه دعوانك اساسنه قرار ويرايكه لزوم اولقسز ين مدافعات ابتدائيه دن واز جمله وظيفه وصلاحيت ويا توجه خصومت نقطه سندن دعوانك ردى اقتضا ايتديكي حالده اساس دعوانك تدقيقات ومحاكماتيله اشتغال ايتيرهرك دعوايى رد ايدجكي كي محاكمه جاريه دن طرفين بيننده محاسبه رؤيت اولمق ويا بعض اهل خبره تدقيقاتنه

احتياج كورلك و منازع فيه كشف اولفق و يا خود يمين توجيه ايدلك كې احوال وقوعنده دخى اول امرده بو صورتله قرار ويزيلهرك قرار مذكور انفاذ اولندقدن صكره ايكنجى بز جلسه محاكمه ايله نتيجه قطعيه حكيمى تفهيم ايله جكدرد .

محكمه شو صورتله دعوائى بيلهرك و غايه و مقصده واقف اولهرق اجراى محاكمه و تدقيقاته مباشرت ايدجكي كې طرفين دخى بكدىكرى علمنه استعمال ايدجكلرى وسائط و دلائل قانونيه بيلهرك مدافعه يه يول بولمش وائىساي محاكمه بى لزوم تفصيلات و مغالطات ايله اضاعه و قندن وى نهايه تعويقات ايله تطويل محاكمادن اجتناب ايدلمش اوله حق و ساده بر اصول محاكمه ايله امين بر طرز مدافعه دن وضوح حقيقته و تسهيل تدقيقاته خدمت ايدلمش بولنه جقدرد .

محكمه لرك اعطا ايدجكلرى قرارلر دخى هيئت محكمه نك تنسيب مطلقه بر اقميوب ايشك اهميته كوره ختام محاكمه دن اعتباراً نهايت اون بش كون ظرفنده مصلحتك مذاكره سيله قرارينك اعطا و تفهيمى قاعده مطلقه اتخاذ قلمش وشو قاعده مضبوطه ايله تدقيقات صوك درجده سهولت كسب ايتسسه نظراً مدت مذكورنك كفايتى طبعى بولمش اولغله ارباب مصالح بلا قيد و شرط حكامك ارزو و خواهشنه تبعيتدن دخى تخايص ايدلمشدر . مدت معينه ظرفنده قرارينى اعطا و تفهيم ايتمين هيئت محكمه علمنه ضرر و زيان دعوائى اقامه سسه مساعده اولفق صورتيله قاعده مذكورنك مرعيت قطعيه سى تحت تأمينه آلمشدر .

قاعده مبحوئه اورزينه جريان ايدجك محاكمه متعلق محكمه لردن صادر اوله حق اطلاعات دخى غايت ساده و بسيط بر حاله فراغ ايدلمشدر . اطلاعات مذكور مدعيات و مدافعات واقعه نك مجملأ خلاصه سيله محكمه نك اعطا و تفهيم ايتديكي مدلل فقره حكيميه يى محتوى اوله جقدرد كه لازم الاجرا بر اعلام اولقى اعتباريله بونك كفايتى دركار اولوب تدقيقات استينافيه و تميز نقطه نظرندن دخى تطاطى ايدلان اوراق و لوايح و يا ضبط ايتديريلان دعوى و دنع دعوى ضبط نامه لرى صورتلرى طرفين يندنه موجود بولنديغندن و ضياعى حائنده محكمه قلمندن برر صورت مصدقه لرى آله بيله جكلرندن بو اوراق و لوايح متقابله صورتلرينك استيناف عرضخانه و اعلام ابتدائيه رابطيله محكمه استيناف و يا تميزه تقديم ايتديكي كې محاكم مذكور نومرو صره سيله مربوط بولنان اوراق و لوايح مذكور مندرجاتندن بالجمله مدعيات و مدافعات ماهيته كمال وضوح ايله كسب وقوف ايدرك و مدعيات و مدافعات مبسوطه يه قارشى محكمه نك اتخاذ ايتديكي مقرراتى دخى اعلامده مفصلاً بوله جغندن هانكى نقطه حقنده نه كې قرار و يرلمش اولدينى درحال تظاهر و مقررات واقعه ده كى اصابت و عدم اصابت قانونيه تماماً و بدهايم تعين ايدرك كا كوره اعلامك تصديق و يا فسخ و نقضنه قرار ويره جكي طبعى اولغله اعلامك شو صورت بسيطه ده اعطاسى تدقيقات استينافيه و تميزنى صوك درجه تسهيل ايله جكدرد .

فى الحقيقه اصول محاكمه حاضره ايله جريان ايدن سلسله مديده محاكماتك نتايجندن اولهرق محكمه لردن اويله اطلاعات صادر اولمقده دركه انواع ابهامات و اغلاقات ايله بعضاً الى ، آلمش صحيفه يه بالغ اولان اطلاعات

مذكورنك صورت صحيحه و سانه ده تدقيقه حق و حقيقته وصول كيفيتى نه محكمه استيناف ، نه ده محكمه تميزجه قابل اوله مامقده در . بناءً عليه بونوع اطلاعات حقنده محاكم مذكور دن صادر اولان قرارلر برقاعت صحيحه قانونيه دن زياده برقاعت تقريبيه مستند اولديغنى ادعا ايتك ممكندر . بناءً عليه بو حاله خاتمه و يرلك ايچون اطلاعاتك شكل حاضرينك تبديل و تعديليله ساده لشديرمىك پك زياده فائده لى بر كيفيت اولديغنى كې امر محاكمه قبول و تطبيقى قرارلشديريلان قاعده مبحوئه عنها نك نتيجه طبعيه سى اولقى اوزرده تعديلات مذكور لازم و ضرورىدر .

بونك ديكر فائده سى ده بويله صحيفه لره بالغ اولان اطلاعاتك تسويد و تنظيم و تبسيط و صورتلرينك اخراجى و سجل اطلاعاتك كچيرلمسى خصوصنده غائب ايدلديكي محقق بولنان آيلرجه زمانك قازاندى كيفيتدر كه محاكمك وسائط حاضره تحريريه سيله نا قابل تأليف اولان بو اصولك ساده بسيط صورته افراغندن حاصل اوله حق منافع دخى استصغار اولنه حق درجده دكلدر .

لايحه مذكورنك فصل ثانى معاملات غيايبه جه بعض تعديلاتى متضمندر . فصل مذكورك تعديلانندن اك زياده مهم اولان مسئله معاملات غيايبه نك معاملات و جاهيه ايله آهنگدار اولمى كيفيتى ايدى . زيرا تبليغات ابتدائيه اصولنك مؤثر و مرعى اولمى تأمين ايچون معاملات حاضره غيايبه نك عدم كفايتى ميداندر . اصول مبحوئه نك اينجاندن اولهرق طرفينك دعواده علاقه و منفعتلرى زياده لشمش اولديغندن هر ايكي طرفك حقوق و منافعى نظر دفته آلمق لازمدر . بناءً عليه معاملات غيايبه بحثنده بر قاج شك نظر تأمله آلمى مجبوريتى حاصل اولدى :

اولا مدعينك دعوى عرضخالى و اسباب قانونيه يى متضمن لايحه سى و اوراق و سنداتى مدعى عليهه تبليغ اولغله بونك طرفنده مهمل معين ظرفنده بر لايحه متقابله ايله ويا دفع دعوى ضبطيله بر جوابه انتظار ايتك لازم كلير مدعى عليه منتظر اولان بو جوانى يا ويرر يا ويرمز ؛ ثانياً مدعى عليهك ويره جكي لايحه متقابله نتيجه سنده مدعى دعواسنده حقسز چيقاجنى و بلكه ده دعواى متقابله و حادثه ضمننده بشقه جه بر محكوميه اوغرايه جغنى تيقن ايدرك ايكنجى لايحه سى و يرمكن و بلكه ده دعوائى تعقيبدن صرف نظر ايتك محتملدر . ثالثاً تبليغات ابتدائيه يويله جريان ايدر ، لوايح تعاطى اولنور ، فقط مدافعه شفاهيه ايچون معين اولان كونده يا مدعى ويا مدعى عليه دعوت محكمه يه اجابت ايتيه بيلير . بو احواله قارشى تدابير جديده قانونيه اتخاذيله قاعده موضوعه نك مرعيت قطعيه سى تحت تأمينه آلمق و جريان عدالتى طرفينك كيف و هوسنه واحداث تزويرانده كى وسع واقدارينه ترك ايتمه مك ضرورى كورولدى .

تبليغات جواب و يرمكن امتناع حائنده مرافعه شفاهيه دن محروم ايتك حق مدافعه نك استعمالنه مانع اولقى ديمك اوله جغندن بو صورت تجويز اولنه ميوب شو تقديرده مدعينك اصولاً خصمنى لاجل المرافعه محكمه يه دعوت ايتديرمى تنسيب اولندى مدعى عليه بو صورتله واقع اولان دعوت دخى اجابت ايتديكى

تقدیرده همان مدعینک طای اوزرینه غیاباً دعوائیه حکم ویرامک اصولی قبول ایدلدی . بوکا مقابل اعتراض علی الحکم طریقی کماکان کشاده براقلدی ایسهده اعلامک مدت اعتراضیه ظرفنده قابل اجرا اولمسی اصول اتخاذا ایدیلهرک تأخیر اجرا ایچون معترضک بعض مراسم قانونیهیه متابعتی مشروط قلندی .

تعاضطی اوراق اوزرینه مدعینک تعقیب دعواذن صرفنظر ایتسی احتماله قارشیده مدعی علیه ایچون دخی دعوی ایده بیلیمک حتی بخش اولندی .

تبلیغات تحریریه نک جریانندن صکده مرافعه شفاهیه ایچون معین اولان کونده مدعی دعوتیه اجابت ایتدیکی تقدیرده مدعی علیه طلیله دعواسنک غیاباً ردینه قرار ویرامکله برابر مدعی علیه دعوائیه مقابلیهیه موجود اولدینی حالده آنکده غیاباً ردینه صلاحیت ویرلدی . بالعکس مدعی علیه دعوتیه اجابت ایتیه مش اولدینی تقدیرده مدعینک طلیله دعواسنک ردینه باشلانقله برابر لایحه مقابلیهیه موضوع بحث اولان اسباب و ادله قانونیه نک نظر مطالعیه ایتسی مناسب کورلدی . وشو محاکمه بر شکل غیابیه ایسهده طرفینک مدعیات ومدافعاتی متضمن لایحه لره مستند اوله رق مرافعه وجاهیه شفاهیه دخی بوداردهده جریان ایده جکندن برنوع محاکمه وجاهیه دیمک اولدینی جهته بوباید صادر اولان اعلام علیه اعتراض علی الحکم طریقی لزوم کورلدی . وعینی اعلام وجاهی حکمنده طوتولدی .

معامله غیابیه فصلنده تعدیل ایدیلن بر نقطه دخی اعتراض علی الحکم ایچون معین اولان اوتوز برکون مدتک اون بش کونه قصر وتنزیل اولوب شوقدرکه معترضک اقامتکاهیه محکمه نک بولندینی مسافیه نظراً هرمرحله یعنی آتی ساعت ایچون مدت مذکوریه برکون ضم اولمسی قبول ایدلمشدر .

تفصیلات معروضه دن ومندرجات لایحه دن مستبان اوله جنی اوزره معامله غیابیه نک شوطرز تعدیلیه تبلیغات تحریریه اصولنک تمامی مرعیتیه خدمت ایدلمش اولمغله برابر محضاً معاملات غیابیه یی تعویق مسئله ایچون بر وسیله انتفاع عد ایدرک کیف مایشاء محاکمه دوام ایتک ولدی الحاجه محاکمه دن چکیلهرک اعتراض علی الحکم ایله تکرار مبادی دعواذن محاکمه یه ابتدار ایلک ایتیلرک آمازه سد چکلشمش ودعوانک سلامت جریانه وافرادک حقوق قانونیه سنک مصونیتی تأمین چالشلمشدر .

فصل رابع معاملات استینافیه نک تعدیلن متضمن اولوب بونده اک اساسی تعدیلات بعض خطیات و نواقص قانونیه دن دولای اعلام مستأنف برک فسخندن صکره یکیدن اجرای محاکمه یرینه اول امرده خطیات ونواقص مذکوره اکمال ایدلدکن صکره خطیات واقعه ذات حکمه تأثیر ایتش ویا اساساً حکم واقع خلاف قانون بولمش اولدینی حالده فسخیه برلکده یکیدن حکمه ربط اولمسی کیفیتدر .

اصول محاکمه حاضره ایجابجه بر اعلام ابتدائی استیناف اولندینی حالده اولاً اعلام مذکورک اصول وقانونه موافق اولوب اولدینی وفسخ حکمی مستلزم اسباب ونواقص قانونیه بولنوب بولندینی تدقیق ایدیلهرک نتیجهده شکلاً و اساساً برخطا ونقصان کورلدیکی تقدیرده اعلام فسخ اولنور و طرفین کما فی السابق بدایت

محکمه سنده حائز اولدقلمری وضع وصفته ارجاع ایدیلهرک یکی باشند محاکمه یه ابتدار ایدیلر و بو صورتله ایکی نوع محاکمه ایله اشتغال ایدلمش اولورکه بری اعلام ابتدائی علیه تدقیقات استینافیه و دیگری اعلام فسخ ایدلدکن صکره اساس دعوی حقنده یکیدن وعینی بدایت محکمه سنده اولدینی کی محاکمه استینافیه در . بویکی نوع محاکمه ایله مسئله دور ودراز تعویقاته دوچار اولدقن بشقه اعلامک فسخندن صکره اورتهده بر حکم قالمش دیمک اوله جقندن بو محاکمات اثناسنده طرفیندن برینک بر جلسه محاکمه ده حاضر اولمامسندن ناشی طرفینک وضعیتلرنده اوقدر مشکلات قانونیه تحدث ایدرکه بونلرک حالی چوق کره بر مسئله مهمه قانونیه شکلی آلیر وبعضاده برطاقم حقوقک ضیاعنی انتاج ایدر . بوکا محل قالماق وتعویقات بیهودیه میدان ویرمامک اوزره فیمابعد بر اعلام ابتدائی استیناف ایدلدیکی تقدیرده محکمه جه اعلامده و حکمنده شکلاً و اساساً خطا ونقصان بولنوب بولندینک تدقیق ایدلمسی وخطا ونقصان کورلدیکی حالده همان اکمال اولمغله برابر ذات حکمه مؤثر اولامش ایسه اعلامک تصدیق ایدلمسی وذات حکمه مؤثر اولمش ویا خود حکم اساساً خلاف قانون ویرلمش ایسه فسخ ایله برابر اوله رق ایشک حکمه ربط اولمسی مناسب کورلمشدر . بوسورتله محاکمه استینافیه اعلامک فسخندن صکره جریان ایتش اولیوب اعلام محاکمه استینافیه دن صکره فسخ ایدلمش اوله جق و نتیجه استینافیه قدر اعلام موجود فرض اولنوب آنجق استیناف محکمه سنک نتیجه قطعیه حکمنده اعلام یا منفسخ ویا مصدق بولنه جقدر . بناء علیه اعلامک فسخندن صکره جریان ایده جک محاکمه استینافیه ده طرفینک تبدل وضعیتری کی احواله وبعدا لفسخ یکی باشند اجرای محاکمه یه میدان براقلمامشدر .

برده استیناف مدتی اوتوز برکونه تنزیل ایدلمش و آنجق مستأنفک بولندینی محل ایله محکمه استینافک بولندینی محل آره سنده کی مسافیه نظراً بهر آتی ساعت ایچون برکون ضم ایدلمش ومدت اعتراضیه ظرفنده ویریلهرک استیناف عرضالمرینک دخی قبولی مناسب کورلمشدر .

بومیانده اعاده محاکمه نک اسبابی دخی قصر وتحدید اولممشدر . چونکه اصول محاکمه حقوقیه نک ۲۰۲ نجی ماده سنده تعداد اولنان اعاده محاکمه اسبابندن برچوغی یامسائل قانونیه یه ویا مسائل اصولیه یه تماس ایتکده در که بونلرک یکیدن تدقیقیله اصلاحی مافوق محکمه سنه ویا محکمه تمیزه عائد وظائقندن در . اعاده محاکمه ایسه آنجق مسائل قانونیه واصولیه خارجنده حکمه مؤثر اوله جق بروقعه نک ویا غیرمنتظر بر کیفیتک تولندن نشأت ایتش اولمق اقتضا ایده جکی درکاردر . بوندن دولای ماده مذکوردهده بیان اولنان اسبابک مسائل قانونیه ویا اصولیه تملق ایدن قسمی اسباب تمیزیه جمله سندن عد اولنهرق الغاسیله اعاده محاکمه اسبابی بر محکمه دن یکدیگرینه مابین ایکی اعلام ویرلمسی ، وخصم طرفندن ظهور ایتش و حکمه تأثیر ایتش بر حیلهرک وقوع بولمسی ، و حکمه اساس اتخاذا اولنان سنک ساخته لکی ثابت اولمسی ، وخصم طرفندن کتم ایدلمش ویا ایتدیرلمش اولوب حکمه مدار اوله جق بعض اوراق ظهور ایتسی کی صرف محاکمه اولیهده محسوس اولمیان وغیر مأمول ومنتظر بولنان احواله حصر ایدلمشدر .

في الحقيقة مسائل اصوليه وقانونيه نك درجات محاكم طريق طبيعي قانونيسندن بشقه برده اعاده محاكمه كبي فوق العاده واستثنائي بر طريقه دها تابع قنمسي هم غايت محذوري ، هم ده لزومسز ومنطقسز بر كافت اولديغندن محضا تطويل دعاوي به برهانه تشكيل ايتكندن بشقه فائده متصور اوليان اسباب مذكورنك الغامسي هم منافع طرفينه ، هم ده قواعد اصليه قانونيه به موافقدر .

**

فصل خامسي تشكيل ايدن معاملات تميزيه بخشنده تعديل اولنان نقطه تصحيح قرار اصولك الغاسيدر في الحقيقة هيچ برملتك اصول محاكمه سنده موجود اوليان بونصحيح قرارك اصول محاكمه حقوقيه ده احداث ايدلسي قواعد اساسيه حقوقيه الله ناقابل تأليفدر . اكر بتون محاكم فوقنده محكمه تميزك مقررات نهايه سنك دنخي اعتباري جاي شك اولق لازم كليز ايسه محكمه مزبورنك تأسيسنده كي مقصد وحكمت غائب ايدلس اولور . قالدی كه بواصولك احداثندن مقصد محكمه تميز هيئتك دقت كامله ده بولنماقندن متولد خطيائي تصحيح ايسه فوق العاده بر درجه دها احداثيله تطويل مصالحه ميدان ويرمكدن زياده هيئت مذكورنك كمال دقتي تأمين ايله جك قواعد و تدابيرك اتخذي دها مناسب اولور . بوده محكمه تميز نزدنده محاكم ابتدائيه واستينافيه ده اولديني كي محاكمه وجاهيه اصولك احداثيله ممكندر . في الحقيقة خفيا مذاكره او طه سنده اوراق اوزرنده جريان ايدن تدقيقات ايله وجاهاً وعائناً جريان ايدن محاكمه مبتني مذاكرات بيننده دقت وتحري حقيقت نقطه نظرندن غايت مهم فرق اولديني قابل انكار دكلدر . محاكمك وجاهيت وعائيتي حقايتك وتحري حقيقتيه كي دقتك ك بيوك ضايددر . دعواده علاقهدار اولانلر ميدانده ومحاكمات جاريه يني استماعه شتاب ايدن برهيئت سامعينك اظفار تفحصي واتباهي هيئت حاكميه معطوف اولديني بر صروده علناً وشفهاً ايضاح وتنوير اولنان بر دعواده ايله بر محكمه معظمه نك ايضاح خطيات ونواقصه محل قالمه جق صورتنده دقت وبصيرتله دعواي تدقيق ايدرك حقيقتيه وصوله اهتمام ايله جكي وتفهيم اولنه جق قرارك هر حالده خطادن سالم اولسنه چاليشه جني شهبه سزدر . بالعكس هيچ بر كي مسه نك اظفار تفحصنه معروض اوليان مقرراتك بودرجه دقت وبصيرتله اعطاسنه اهتمام اولنماق وبو يوزدن خطيات ونواقصه محل براقلماق امر طبيعيدير . تدقيقات تميزيه نك سلامت وقوعني تأمين ايدنه جك محاكمه وجاهيه اصول معقواني ترك ايدوبده هيچ بر فائده يني منتج اوليان تصحيح قرار اصولك قبولنه بر سبب يوقدر . بناءً عليه محكمه تميزيه تصحيح قرار اصولي الفا اولنه رق بونك مقابلنده تبليغات ابتدائيه قاعده سيله رؤتي لازم كنل يعني قابل استيناف اولان واستينافاً تدقيق ايدلس بولنان اعلانات عليهنده تميز دعوي وقوعنده محكمه تميز حقوق دائره سيله هيئت عموميه سنده محاكمه وجاهيه اصولي احداث وتأسيس اولنمشدر .

محكمه تميزك كثر مشاغل حسييله محاكمه وجاهيه نك تطبيقه امكان اولمديني اعتراض وار دكلدر . زيرا سنده محكمه تميز حقوق دائره سنده وارد اولان ايكي بيك كسور دعوي مياننده تقريباً درت يوز قدری اعلانات استينافيه عليهنده كي تميز دعوا سندن عبارت بولنديغندن بومقدار دعوانك وجاهاً رؤيتنده مشكلات متصور

اولمقدن بشقه اوراق اوزرينه تدقيقات اصولي احداث ايدلزدن اول محكمه مذكورده سنوي يدي يوز قدر محاكمه وجاهيه رؤيت ايدلس اولديني بالتحقيق اكلا شله غله دعاوينك مقدار حاضر ينك كمال سهولتله رؤيت اولنه جني ملاحظه قلمشدر .

**

فصل سادسه دنخي بعض مواد متفرقه علاوه ايدلشدر كه مواد مذكورنك تطبيقات قانونيه جه فائده يني قوياً ملحوظ وبو مواد متفرقه مياننده اصول تبليغك توثيقي ومحاكمه سلامت معامله يني تأمين ايدنه جك بعض دفاترك احداثي كي جداً لزوملي احكام موجوددر .


**

والحاصل اشبو لايحه قانونيه نك قبول وتصويي حالنده مملكتهمزده اصلاحات عدليه نامنه بر خطوه ترقی دها آتيلمش ديمك اولوب في الحقيقة استحصال حق امرنده اصول محاكمه لرك وضع ايدليكي قواعد سالمه ومعقوله نك تأثيري غير منكر اولغله پيدري اجرا واتمام ايديله كلكده اولان تشكيلات عدليه ايله بر اصول محاكمه سالمه توافقي ايتديكي تقديرده حكامك دقت وفعاليته هم آهنگ اوله جق اصول مذكورنك قواعد معقوله يني باعث شكايات اولان احوالك پك چوقلريني ازاله ايدنه جكي ومعاملاته كي تذبذبه محاكمته كي ابهام واغلاق و تطويلات وتعويقات بيهوده ايله تزويرات موجوده يني منع ايدنه ك هر كسك محاكمدن يأس وتخاشيسي توليد ايدن اسبابي احما ومملكتهمزده حقوقك مصونيتي وناسك يكديكره امن واعتماديني تأسيس ايله جكي شهبه سز بولمش اولديغندن لايحه مذكورنك هيئت عاليه شريعيه جه بر آن اول قرين تصويب اولسي اسبابنك استكمالي بابنده .

عدليه ناظري

۱ شباط ۱۲۲۵

نجم السيره



تبليغات عزميه

عدليه نظارت جايلاه سندن تسطير اولنان ۲۱ نيسان ۱۳۲۶ تاريخي تحريرات عموميه وتذكرة ساميه صورتلريدر :

« وظائف مشتركة اصحابندن اولان مأمورين مأذونه يه معاشرينك تام اوله رق اعطا اولنه بغه داث » وظائف مشتركة اصحابندن اولوبده كرك تبديل هوا وكرك مصالح ذاتيه سنك تسويه يني ضممنده استحصال مأذونيت ايدن مأمورينه اناي مأذونيتلرنده معاشرينك تام اوله رق اعطاسي لازم كله جكنه داث شوراى دولت ماليه ونافعه ومعارف دائره سندن اعطا اونوب بالتذكرة ساميه ارسال بيورلش اولان مضبطه صورتى لفا ارسال قلمشدر .

« تذكرة سامیه صورتیدر »

تبدیل هوا ضمننده مأذون اولان مأمورینه تام معاش اعطاسی خرجراه قرارنامه سنک اون اوچنجی ماده سی اقتضاسندن ایسه ده ماده مزبوره نصف معاش اعطاسی صورتنده و اصولی دائره سنده مقدما تعدیل ایدلمش اولسنه مبنی تبدیل هوایه احتیاجی تحقق ایدوبده مأذونیت ویریلان مأمورین حقنده ماده معدله موجبجه ایفای معامله اولنسی لزومنه دائر تنظیم و تقدیم قلنان ۷ محرم سنه ۳۲۸ تاریخی مضبطه موجبجه سبق ایدن تبلیغه جواباً اورمان و معادن و زراعت نظارتک شورای دولته حواله بیوریلان ۲۸ صفر ۳۲۸ تاریخی تذکره سی مالیه و معارف و نافعہ دائره سنده قرائت اولندی .

مأئیده کرک ماده اساسیه و کرک ماده معدله نک حکمی مأمورینه مطوف و وظائف مشترکه احکامندن اولان مجالس اعضاسیله ضابطان اقلام و کتبه متن قانونده غیر مذکور اولوب ذاتاً ماده مذکورده نک تعدیلنده کی مقصد بومثللو مأذون اولانلرک وظیفه لرینی ایضا ایچون یرلرنده استخدام اولنه جیق وکیللره ویریله جک پاره یه قارشیاق تدارکندن عبارت بولنسنه کوره کرک تبدیل هوا و کرک مصالح ذاتیه سنک تسویه سی ایچون مأذونیت الدینی حالده وظیفه سی رفقای طرفندن ایفا ایدیله جک ویرنده وکیل استخدامنه و بناءً علیه وکالت معاشی اعطاسنه لزوم کورلیه جک اولان وظائف مشترکه احکامک اثنای مأذونیتلرنده معاشلرینک تام اوله رق اعطاسی لزومی افهام ایتکده بولندینی بیانیله بوبایده اولنه جیق معامله استفسار قائمشدر .

تحت محاکمه یه النوب برائی تحقق ایدن و مأذونیت الان مأمورین معاشلرندن نصفنک توقیفی یرلرینه تعیین اولنه جیق وکیللره ویریله جک معاشاته قارشیاق بولنق مقصدینه مبنی اولوب وظائف مشترکه احکامندن اولان مأمورینه وکیل تعییننه حاجت اولمادینی جهتله بومثللولر معاشاته تام اوله رق تسویه سی مقدما تفسیراً شورای دولته اتخاذ اولنوب اخیراً دخی بالتأیید تعمیماً تبایغ بیوریلان مقررات احکامندن و مقررات مذکورده نک سالف الذکر اون اوچنجی ماده نک تاریخ تعدیلندن مؤخر اولسنه مبنی قرار آخرله فسخ و نقض ایدلدکجه مرعیت حکمی مقتضای حالدن بولنش اولغله اکا کوره ایفای معامله اولنسی لازم کله جکنک تعمیماً دوائر مرکزیه اشعازی تذکر قلندی .

۹ ربیع الآخر ۳۲۸ و ۶ نیسان ۳۲۶

عدلیه نظارت جلیله سندن تسطیر اولنان ۲۱ نیسان ۳۲۶ تاریخی تحریرات عمومی صورتیدر

« بیغا سنجایی نامنک قلعه سلطانیه عنرانیه تحویلی خصوصنه اراده نده شرفصدور

بیورلدیغه دائر »

بیغا سنجایی قضاسنک عینی اسمله یاد اولنسی مصالح رسمیه یی مشکلاته دوشورمکه برابر امور تجاریه یی ده سکتهدار ایتکده اولدیغندن بیغا سنجایی نامنک قلعه سلطانیه عنوانه تحویلی خصوصنه بالاستیدان اراده سنه حضرت خلافتیهای شرفصدور بیورلدینی اولبابده کی اشعار سامی اوزرینه داخلیه نظارت جلیله سندن تبلیغ اولنمشدر .

عدلیه نظارت جلیله سندن تسطیر بیوریلان ۲۸ ربیع الآخر ۳۲۸ و ۲۵ نیسان ۳۲۶ تاریخی تحریرات

عمومی صورتیدر

« مأمورین معاشلرندن جز اولنان مبالغک منتظماً قطع وارسالی لزومنه دائر »

دیون محکومه دن طولای مأمورین معاشلرندن جز ایدیلان مبالغک منتظماً قطع وارسالی لزومنک مأمورین مالیه تعمیماً تبایغ ایدلدیکی بیانیله تبلیغات واقعه خلافده حرکتری تبین ایده جک مأمورین مالیه حقلرنده معامله مقتضیه اجرا ایدلمک اوزره معلومات اعطاسی اولبابده کی اشعاره جواباً مالیه نظارت جلیله سندن باند کره ازار قائمش اولغله تبایغ کیفیت اولنور .

عدلیه نظارت جلیله سندن تسطیر بیوریلان ۲۸ ربیع الآخر ۳۲۸ و ۲۵ نیسان ۳۲۶ تاریخی تحریرات

عمومی صورتیدر

« مواد غیر مستعجله ده تلغراف خبارتنده بولانلرله بالازوم مطول تلغرافنامه لر تعاطی

ایدنلره تلغراف اجرتنک تضمین ایتدیریله جکته دائر »

تبلیغات واقعه مکرره خلافه اوله رق طشره مأمورینی طرفندن بالازوم مطول تلغرافنامه لر تعاطی ایدلمکده و بوحالک دوامی مخبرات عمومی یی متأثر ایلکده اولدینی پوسته و تلغراف و تلفون مدیرتندن بیلدیرلدیکندن بخله خصوصات رسمیه یی متعلق تلغرافنامه لرک مواد مهمه مستعجله یه حصری و عباراتنک ممکن اولدینی قدر قصری صورتیه مخبرات عمومی نک سکتهدن وقایه سی خصوصنه بعدما هر طرفه بغایت دقت و اعتنا اولنه رق بالازوم مطول تلغرافنامه کشیده ایدنلرله معاملات غیر مستعجله ده تلغراف خبارتنده بولانلرله مهمه حال چکدکلی تلغراف اجرتنک تضمین ایتدیریله جکی مالیه نظارت جلیله سندن بو کرده تأکید و ازار قلنمغله و قوچکیری هیئت عدلیه سی طرفندن خلاف صلاحیت اوله رق نظارته کشیده ایدلمش اولان یوز گله لک بر تلغرافنامه اجرتنک تضمینی لزومی بوکره محانه تبایغ اولغله اول و آخر واقع اولان اشعاراته توفیق حرکت اولنق و ایجاب ایدنلره اخطار ایدلمک اوزره برکره دها تأکید کیفیت اولنور .



محکمہ تعمیراتی

محکمہ تمیز هیئت عمومی سندن صادر اولان ۲۵ مارت سنه ۳۲۶ تاریخی و (۹۰۱) نومرولی

اعلام صورتیدر .

« قبل الشهاده اصول محاکات جزائیه نک ماده مخصوصه سی وجهله تخلیف اولنمیان

شاهدلرک شهادت واقعه لرینک کأن لم یکن حکمنده عد اولنه جغه دائر »

کوتاهی سنجایی بدایت محکمه سی جزا دائره سندن صادر اولان ۲ کانون ثانی سنه ۳۲۵ تاریخی وایکی یوز یمش اوچ نومرولی اعلام ایله اوراق متقرعه سی باش مدعی عمومیک مأموریت علیه سندن ۱۳ شباط ۳۲۵

تاریخی وائی بیک اتی یوز اون بش نومرولی تبلیغنامه ایله محکمه تمیز جزا دائرہ سنہ کوندراش وعادتی حسیلہ هیئت عمومیہ جسہ لدی التدقیق اصراری محتوی اولدینی متفقاً تحت قرارہ النش اولغله کافہ اوراق دعوی مطالعہ اولندی .

اعلام مذکورک خلاصہ مالی عشاقک صباح محلہ سندن زیبک اوغلی احمدک کیفیت قتلندن طولای جنایتلہ متهم اولان حسن بن ابراہیمک قانون جزانک یوز یتیمش دردنجی مادہ سنک فقرہ اولیسنه توفیقاً اون بش سنہ مدتلہ کورکہ قولیسنه دائرہ مقدمایریلان اعلام عند التیمیز شاهدلرک اصول محاکمات جزائیہ قانوننک ایکی یوز التمش سکزننجی مادہ سی صراحتنه توفیقاً تحلیف اولنماسندن ومجرمیت قرارندہ متهمک استنطاقاً اقرارندن بحث اولندیغی حالده صورت اقرار ضبط واعلامہ درج ومتهمک استسجواب ایدلماسندن ناشی نقض ایله اعادہ قلمسی اوزرینہ اخیرا جریان ایدن محاکمہ نتیجہ سنده شہودک تعریفات قانونیہ دائرہ سنده استماع ایدلکری اکلاشلش ودیکر نواقصی ده اکمال ایدلش اولسنہ بناءً حکم سابقده اصرار ایدلکریکندن عبارتدر .

محکمه مذکورہ مدعی عمومی معاونلکندن معطی لایحه تمیزیہ ده نقض واقع دائرہ سنده اکمال نواقص اولنمادیغندن واعلام منقوضک عیناً اعلام اخیرہ درجی لزومندن ذہول ایدلکریکندن بحثلہ اعلام مذکورک نقضی استدعا قلمشدر .

تبلیغنامہ ده دخی برنجی سبب نقضہ اتباع ایدیلہرک متهمک استنطاقاً مضبوط افادہ سی قرائت وکندوسی بونقطہ حقندہ استیضاح ایدلش اولوب اعلامک بدایتہ معطوف اولان بوسبب نقض قبول ایدیلنجہ معاملات متعاقبہ سراپا حکمسنز اولقلہ برابر شاهدلرک دخی تعریفات قانونیہ دائرہ سنده تحلیفلرینک اجرا ایدلماش اولسنہ نظراً صورت نقضک تمامیلہ قبولیلہ یکیدن محاکمہ اجراسی وشہودک استماعی لابد ایکن ایکنجی نقطہ نقض بجا اولدیغندن بحثلہ حکم سابقده ثبات ایدامسی مخالف قانون اولدیغندن اعلام اخیر مذکورک دخی نقضی طلب اولمشدر . تدقیقات تمیزیہ اجرا اولندقدہ ہرنہ قدر بوکرہ جریان ایدن محاکمہ ده ایکنجی سبب نقضہ یالاتباع اکمال نواقص ایدیلوب آنجق شہودک تعریفات قانونیہ دائرہ سنده تحلیف ایدلکریکندن بحثلہ حکم سابقده اصرار اولنیور ایسہ ده اعلام سابقده شاهدلرک یالکیز طرفینہ قرابت وخصومتلری اولوب اولمادیغی سوریلہرق بعدالتحلیف استماع ایدلکری کوستریلوب حالبوکہ اشبو تحلیفک برکونہ خوف وخشیت وغرض وخصومتہ مبنی وارتق اکسیک اولیلہرق حقیقت حالی بیان ایدہ جککرینہ دائر اولدینی تصریح ایدلماش وبو صورتلہ قبل الشہادہ تحلیف اولنیمان شاهدلرک شہادت واقعہ لری کائن لم یکن حکمندہ عد اولنہ جفی اصول محاکمات جزائیہ قانوننک (۲۶۸) نجی مادہ سنده صراحتاً مذکور بولمش اولسنہ مبنی معاملات سائرہ یی تدقیقہ محل قالمادیغندن اصول محاکمات جزائیہ قانوننک اوچیوز اون دردنجی مادہ سنہ توفیقاً اعلام اخیر مذکورک دخی بوسیدن دولای تقضیلہ اوراقنک محلنہ اعادہ سنہ وایکی یوز غروش تمیز اعلامی خرجنک ایلرودہ حقسنز چیقہ جق طرفدن تحصیلنہ ۲۵ مارت ۳۲۶ تاریخندہ متفقاً قرار ویرلدی .

محکمه تمیز هیئت عمومیہ سندن صادر اولان ۱ نیسان ۳۲۶ تاریخلی و ۹۱ نومرولی اعلام صورتیدر .

« مترفانک دخی ترکیبی مستغرق اولنجہ ورثہ ایچون حق ارث اولمہ جغفہ دائر »

اسکوبک کیر محمد چلبی محلہ سندن مقیمون متوفی طاهر بک زادہ طہماس بک وھمشیرہ سی متوفیہ کلسین خانم ورثہ سندن کریمہ سی ہدایت و دیگر برادرلری متوفی یحیی بکک زوجہ متروکہ سی خالدہ خانملر ایله قرہ قوجی محلہ سندن مقیم تجارندن عبدالحلیم افندی میانہ سندن متکون دعواہ دائر قوصوہ ولایتی استیناف محکمہ سی حقوق قسمندن ۲۸ تشرین ثانی ۳۲۵ تاریخلی ویکرمی اتی عددی ایله ویریلان اعلام مومی ایله طہماس بک طرفندن مدت قانونیہ سی ظرفدہ تمیز اولنقلہ اعلام مذکور ہیئت عمومیہ جسہ بالتدقیق قرار سابق متقوضہ ثبات واصراری متضمن اولدینی متفقاً قرارکیر اولدقدن صکرہ طرفینک اعتراض وجواب لایحہ لریلہ بالمطالعہ تدقیقات تمیزیہ اجراسنہ ابتدار اولندی .

اعلام مذکورک خلاصہ مندرجاتی مومی ایله عبدالحلیم افندیکنک متوفی طاهر بک ذمتندہ بااعلام محکومہ الاجنبی اولان مبالغ معلومہ نک تأمین استیفاسی ضمنتندہ متوفای مومی الیہک مالی ظنیلہ تحت حجزہ الديرمش اولدینی محلہ مذکورده کائن معلوم الحدود بر باب ملک خانہ پدرلری متوفای مومی ایله طاهر بکک مالی اولمایوب والدہ لری کایچہ خاتونک عہدہ تصرفندہ ایکن مزبورہ نک وقوع وفاتیلہ کندولریلہ دیگر برادرلری یحیی بکک موروث اولدیغندن بحثلہ مذکور خانہ یہ موضوع حجزک فکئی مومی ایله طہماس بک ایله ھمشیرہ سی مزبورہ کلسین خانمک طلب ودعوی واثبات مدعا ضمنتندہ برقطعہ قید خاقانی صورتی ابراز واعطا ایتملرینہ قارشو مدعی علیہ عبدالحلیم افندی دخی منازع فیہ خانہ نک سلاملق جہتی ادعا اولندیغی وجہلہ مدعیلرک والدہ لرینک ملکی ایسہ ده حرم جہتی متوفی طاهر بکک ملکی ایدوکی قیود ذمت خاقانی وقبل الحجز متوفی طاهر بک طرفندن مذکور حرم جہتی داود نام کیمسہ دن بانتفرغ ھدم ایله اوزرینہ مجدداً انشا ایدلیدیکی اجرامأموری طرفندن محل منازع فیہک تنظیم ایدیلان ضبط ورقہ سی مندرجاتی ایله ثابت اولدیغندن حجز موضوعک تصدیقی مدافعہ افادہ وتذکار ایتسی اوزرینہ مومی ایله طہماس بک یدندن منتقل مذکور خانہ مرور زمانلہ خراب اولسنہ مبنی دیگر حصہ داران طرفلرندن ھدم اوانہرق عرصہ سی والدہ لرندن انتقال ایدن وپدرینک مالی ظنیلہ حجز ایدیلان خانہ عرصہ سنہ علاوہ اولندیغی کشفاً تحقیق ایدہ جککندن محل مذکورک اجرای کشفی وشخص ثالث صقیلہ داخل دعوی اولان خالدہ خانم دخی منازع فیہ خانہ سی مزبورہ کایچہ خاتون حال صباوتندہ متصرفہ ایکن وفاتیلہ وراثتی اوغلاری یحیی وطہماس بکک ایله کریمہ سی کلسین خانمہ منحصر اولدینی حالده ورثہ مزبورہ میانہ لرنده اجرا قلمان تقسیمدہ مذکور خانہ زوجی یحیی بکک وآنک دخی وفاتیلہ صغیر مخدومی ولی بکک وولی بکک وقوع وفاتنہ مبنی کندوسنہ انتقال ایتیش اولدینی یدندہ محفوظ برقطعہ اعلام شرعی مندرجاتیلہ تحقیق ایدہ جککندن کندوسنک دخی محاکمہ یہ قبولیلہ مجوز خانہ یہ مدعی علیہ

عبدالحليم افندی طرفندن وضع ايتديرلمش اولان حيزك فكنی طلب وتأيید مدعا ضمننده مذکور اعلام شرعی نى ابراز واعطایا ایتلریله مزبوره خالده خانم دخی شخص ثالث صفتیله داخل دعوی ایدلدکدن ومحل منازع فیهک کشفی اجرا قلندقدن صکره سبق ایدن محاکمه وتدقیقات نتیجه سنده مدعابه خانهك اصل صاحبه سی بولنان کلچه خاتونك وقوع وفاتیله ترکیبی بین الورثه تقسیم ایدیلرک اوغللرندن مزبوره خالده خانمک زوجی یحیی بکه و آنک دخی وفاتیله صغیر اوغلی ولی بکه ارتا انتقال ایتمش اولدینی مبرز اعلام شرعی مندرجاتیله تحقیق ایتمش اولدیغندن مجلهك بیک سکز بوز یکر می برنجی ماده سی موجبجه متوفی طاهر بکک مالی اولمق اوزره مذکور خانیه مدعی عبدالحلیم افندی طرفندن وضع ایدیلان حيزك فکیله مومی الیه طهماس بک ومزبوره کلسین خانمک معارضه دن منعه ومذکور خانهك مزبوره خالده خانمک تسلیمنه دائر بدایه صادر اولان اعلام علیهنه مومی الیه عبدالحلیم افندی طرفندن استیناف دعوی اولنمی واول صروده مزبوره کلسین خانمک دخی وقوع وفاتنه مبنی ورثه سندن کریمه سی هدایت خانمک تعیین قلنان کونده دعوت واقعه یه اجابت ایتمه سی اوزرینه وکیل مسخر تعیین اولنهرق مومی الیه طهماس بک طرفندن وظیفه محکمه یه دائر سرد ایدیلان اعتراضك ردیله اعلام ابتدائیک فسخندن صکره اکمال محاکمه ضمننده اخیراً تعیین اولنان کونده مومی الیه طهماس بکک دخی دعوت واقعه یه اجابت ایتمه سی اوزرینه آنک ایچون دخی وکیل مسخر تعیینیله مزبوره خالده خانم طرفندن ابراز اولنان برقطعه وراثت حتی مطالعه وذی الیدلک بالینه اثبات اولندقدن صکره جریان ایدن محاکمه وتدقیقات استینافیه نتیجه سنده مزبوره خالده خانمک مذکور خانهك ملکیتی حقیقه مستند ادعای اولان اعلام شرعی تقسیم بالرضای اثباتدن عبارت اولوب مزبوره کلچه خاتون ایله کندوسنک مستقلاً تصرفلری متضمن اولمادیغنه ومذکور خانهك برسمی مزبوره کلچه خاتوندن زوجی متوفی طاهر بکه موروث اولدینی سالف الذکر اعلام شرعی مندرجاتیله مثبت بولنسنه ومدعابه خانهك نصفی متوفی طاهر بکک زوجیه سی کلچه خاتونك وفاتیله مذکور نصف حصهك برسمی شرعاً بالتفریق زوجی مومی الیه طاهر بکه ارتا انتقال ایدوب نصف دیگرى دخی مرقوم داود اغانك وقوع وفاتیله ورثه سندن اوغلی جلال الدین وقیزلری مانقو و خانشو ورقیه و عایشه یه انتقال ایدوب مذکور حصه سی مومی الیه طاهر بک یدى بیک غروش ثمن مدفوع مقابلنده ورثه سی مرقوموندن اشترا ایتدیکی اولبابده استماع قانون عدالتلری تحقیق ایدن شهودك شهادتیه ثابت اولدیغندن مجلهك التیوز اوتوزایکنجی ماده سی حکمنه توفیقاً مدعابه خانهك سکز حصه اعتباریله بش حصه سی حقیقه کی حيزك تصدیقه دائر ویریلان اعلام غیای علیهنه مستأنف علیملردن یالکیز مومی الیه طاهر بک طرفندن اعتراض اولنمی اوزرینه وجاهاً سبق ایدن محاکمه ده شخص ثالث صفتیله دغوا یه دخالت استدعاسنده بولنان سیف الدین بکک بدایه همشیره سی مزبوره کلسین خانمک والده سی مزبوره کلچه خاتوندن ارتا انتقال ایدن حصه سی مزبوره ایچون وکاله ادعاده بولنوب کندوسنه هبه ایدلدیکنه دائر برکونه دعوی سبق ایتماش اولدیغندن مومی الیهک داخل دعوی عرضخانك

ردیله اعلام غیاییک تصدیقه دائر صادر اولان اعلامك عندالتمیز اسباب قانونیه دن ناشی نقض واعاده اولنمی اوزرینه بتکرار جریان ایدن محاکمه وتدقیقات استینافیه نتیجه سنده مومی الیه سیف الدین بکک وکالی عمومی اولمایوب خصوصی اولدینی لدی انتدقیق اکلاشلمش واعلام مستأنف بهه درجیله نواقص قانونیه بوصورتله اکمال واصلاح ایدلمش اولدیغندن جهات سائرهنك ابقاسنه دائر ویریلان حکمک دخی تمیز حقوق دائره سنجه بالتدقیق محکمه استینافیه حیزى تصدیق اولنان قوناغك سلاملق محلی مستقلاً متوفی طاهر بکک وحرم جهتی دخی مستقلاً زوجیهك اولسنه کوره تصدیق اولنهنجق حيزك مستقلاً سلاملق جهتیله شایعاً حرم جهتك سکز حصه دن بش حصه سی حقیقه اولسی ایجاب ایدرایکن سلاملق وحرم جهتلری برلشدیرلرک مجموعك سکز حصه اعتباریله شایعاً بش حصه سی حقیقه کی حيزك تصدیقه قرار ویرلمسك قانونه مغایرتدن ناشی تکرار نقض واعاده ایدلمسی اوزرینه محکمه استینافیه جهه جریان ایدن محاکمه وتدقیقات نتیجه سنده مدعابه حرم وسلاملغك نصف شایعی متوفی طاهر بکک داود ورثه سندن یدى بیک غروش ثمن مقابلنده شراء ملکى اولدینی ونصف شایع دیگری دخی زوجیه سی متوفیه کلچه خاتونك ملکى اولمق ملاسه سیله بعد الوفات وراثتی زوجی طاهر بک ایله اوغللری طهماس و یحیی و تیزی کلسین خانمک منحصرأ انتقال ایدوب مسئله میراثیلری یکر می سهم اعتباریله بش سهمی متوفی طاهر بکه و آلتیشر سهمدن اون ایکی سهمی طهماس و یحیی بکره واوچ سهمی دخی کریمه سی کلسین خانمک ارتا انتقال ایتدیکی تحقیق ایتکله مذکور خانه بناسی ورثه مرقوموندن طهماس بک طرفندن تجدید اولنان سلاملقدن مرکب اولان نصف شایعی طاهر بکک مال مشتراسی و دیگر نصف حصه شایعهك ده کلچه خاتوندن موروث یکر می سهمده بش سهم شایعی ارتا طاهر بکک اولدینی اعلام منقوض مذکورده اسملری محرر شهود مستمعنهك شهادتیه ثابت اولدیغندن مجلهك (١٦٣٢) نجی ماده سی حکمنه توفیقاً متوفی طاهر بکک حرملك وسلاملغك نصف حصه شایعه سیله دیگر نصفده کی بش سهم حصه ارثیه سی حقیقه واقع اولان حيزك تصدیقه اصراراً حکمدن واشبو حکم عایهنده مستدعی تمیز مزبور طهماس بکک لایحه سنده مندرج اعتراضاتك باشلوجه سی مدعابه خانهك سلاملق جهتك کندو طرفندن تجدید ایدلمش اولدینی محکمه جه تحقیق ایلدیکی وبونك ایکی سهمك خزینه طرفندن بالحجز میزعالیه مرقومك اوغلنه معامله فراغیه سی اجرا قلندینی حالده حرم جهته موضوع حيزك اشبو سلاملق جهته تشمیل ایدلمسی وداؤدك ورثه سندن اشترا ایدلمش اولان عرصه خالی ایکن بورایه ابله انشا اولنوب اولمادیغك کشف وتدقیق اولنامسی وپدری متوفای مومی الیه طاهر بکک تسویه دینه کافی املاک سائرده سی موجود ایکن انلردن استیفای دین ایدلمیهك مساکن دیمک اولان مذکور قوناغك حيز اولنمی مغایر قانون اولدیغندن بحثله اعلام مذکورک نقضی استدعاسندن ولایحه جوابیه مالى اعتراضات مبحوثنك غیروارد بولندیغندن ردی وموافق اصول وقانون اولان اعلام تمیزهك تصدیق طلبندن عبارتدر.

ایجابی مذاکره اولندقدن اعلام مذکورک نتیجه مفادی مدعابه خانهك حرملك وسلاملغك نصف حصه

شايعه سي متوفاي مومي اليه طاهر بلك بروجه محرر شراء وديكر نصف حصه شايه نك ده بش سهمي ارثا ملكي اولديني بالينه ثابت اولسنه مبنی حصص مذ كوره اوزرينه موضوع حجزك تصديقه حكمدن عبارت اولسنه ومستدعي تمیزك مسكن تفریقہ دائر اولان اعتراضی محجوز خانه مدیون متوفانك ملكي اولسندن ومتوفانك ديني تركهني مستغرق اولنجه ورثه ايچون حق ارث بولناماسندن طولايي مسموع اوله مایه جغه واعتراضات سائره سي ده اعلام سابقه محرر اولوب نقض اولمیان وكسب قطعت ایدن جهاته متعلق اولوب غيروارد ایدوكنه نظراً حكم مذ كور موافق اصول وقانون اولوب مستدعي تمیزك بالايه منقول اعتراضاتيله لایحه سنده محرر سائر اعتراضاتی وارد ونقض حكمی مستلزم كوريله مامش اولغله اعتراضات مبحوث عنهانك رديله اصول محاكمه حقوقيه قانونك ايكی يوز قرق ايكنجی ماده سنك فقره نایه سي حكمنه توفيقاً اعلام مذ كور تصديقه وزيرده مفرداتی مرقم يوزاللی آتی غروش مضارف تمیزیه نك مستدعي تمیزه عائد اولسنه ١ نيسان ٣٢٦ تاريخنده متفقاً قرار ويرلدي .

محكمة تمیز استدعا دائره سندن صادر اولان ٦ ربيع الآخر سنه ٣٢٨ و ٣ نيسان سنه ٣٢٦ تاريخی

و ٣٠٩ نومرولی اعلام صورتیدر :

« مكرر صفتيله تحديد جزا ايچون عين فعلدن دولايي محكوميت سابقه سي اکتساب قطعت ايتش اولديغك قيودات رسميه ايله تحقق وتبين ايتمی مقتضى اولديغنه دائر »

معمورة العزيز ولايتی مرکز بدایت محکمه سي جزا دائره سندن تنظيم واعطا قلنان ٤ شباط سنه ٣٢٥ تاريخ ويدی يوز اللى سکنز نومرولی اعلام استينافينك تمیزاً تدقيق طلبی حاوی محکمه مذ كوره مدعی عمومی معاونلكی جانبندن معطی استدعایه اوراق متفرعه سيله برانكده باش مدعی عمومیك مأوریت بهیه سندن بتبايغنامه ٢٢ مارت سنه ٣٢٦ تاريخنده محکمه تمیز استدعا دائره سنه توديع ايدلسكله ولدی التدقيق مذ كور استدعایه نك مدت معینه سي ظرفده اعطا قانديني آكلا شمله قله بالقبول تدقيقات تمیزیه اجراسنه ابتداء اولندی .

اعلام مذ كورك خلاصه مالی مظنه سوء حال و سرسری طاقندن بولنديني ادعاسيله مظنون عليه اولان قردهت اوغلی آچيق باش كيغورقك سرسری نظامنامه سنك طقوزنجی ماده سي حكمنه توفيقاً مكررا سي حاييله اون بش كون حبسنه دائر صادر اولان حكم ابتدائی اعلامی محکمه مذ كوره مدعی عمومی معاونلكی جانبندن استيناف ايداسی اوزرينه سبق ایدن محاكمه وتدقيقات استينافيه نتیجه سنده حكم ابتدائينك فسخی حقه درميان ايدیلان اعتراضاتك رديله موافق اصول وقانون اولديغندن بحثله حكم لاحقك تصديقه قرار ويرلديكنی متضمندر .

لايحه تمیزیه مرقوم كيغورقك سرسری نظامنامه سنك طقوزنجی ماده سنه توفيقاً محكوميته قرار

ويريله رك ماده مذ كوره نك معطوف عليی اولان اون ايكنجی ماده يه تطبيق كيفيت ايدلمه مش ومحكمه جه مكرر اوله رق برهفته جزا ضم ايدلديكي حالده اوراق میاننده مرقومك سابقه سنه متدائر بركونه قيد بولنامش وقرار محلنده دخی بو بایده تحقیقات اجرا قانديغنه وتاريخ سابقهيه متعلق صراحت كوريله مامش ایدوكنه وسابقه قيدینك تحقق و مرقومك سرسریلكی اعتیاد ایش اولوب اولمادیغك تدقيق ايدلسكسزین بروجه محرر اتخاذ قرار ايدلمش اولسی مخالف قانون بولنديغنه دائر اعتراضات سرديله اعلام مذ كورك نقضی طاب ايدلديكي كبی تبایغنامه ده دخی اعتراضات واقع نك وارد وبجا كوراش اولديني بيانيله اعلام مذ كورك نقضی لزومی مرقم بولمشدر .

ایجابی لدی المذاكره مندرجات اعلامدن منفهم اولديني اوزره مظنون كيغورقك جانب ضابطه دن وقوع بولان تنبیاته مخالف اوله رق قاربالق ایتك و بعض كونا سرقت افعاله جرأت ایلک صورتيله وقوعه کلان سرسری نظامنامه سنك طقوزنجی ماده سنه موافق كوریلان حرکاتندن ومكرر اولسندن طولايي اون بش كون مدته حبسنه قرار ویراش ايسه ده مظنون مزبورك مكرر صفتيله تحديد جزاسی ايچون عين فعلدن طولايي محكوميت سابقه سي اکتساب قطعت ايتش اولديغك قيودات رسميه ايله تحقق وتبين ايتمی مقتضى بولنش ايکن درجه اولی محکمه سنجه شو لزومه عدم رعایتله مظنونك افادات واقع سنه عطفاً مكرر عديله تضعيف جزاسی جهته کيداسندن طولايي حكم ابتدائينك عندالاستيناف بو نقطه دن فسخی ومكرراك ماده سي حقه على الاصول تدقيقات وتحقيقات لازمه اجراسيله نتایج حاصله يه كوره درجه نایه ده ایشك قراره ربطی لازمه دن اولديني حالده محکمه استينافيه جه بو جهته عطف نظر دقت اولمقسزین حكم ابتدائينك تصديق ايدلمی يولسز ومغاير اصول وقانون بولنش وشو اعتبار ايله لایحه تمیزیه مندرجاتی تبایغنامه ده دخی كوسترديكي اوزره وارد وبجا كورنش ایدوكنندن اصول محاکمات جزائیه قانونك اوچيوز اون دردنجي واوچيوز اون طقوزنجی ماده لری منطوقنجه اعلام استينافينك بوسيدن طولايي نقضيله احكام قانونيه دائره سنده ایفای معامله اولمق اوزره اوراقك محکمه محايه يه اعاده سنه وايکی يوزغروش اعلام خرجك تعرفه وتعليات مخصوصه سي حكمنه توفيقاً ايلروده حقه جق طرفدن استيفاسنه ٢٤ مارت ٣٢٦ تاريخنده اکثريله قرار ويرلدي .

محكمة تمیز استدعا دائره سندن صادر اولان ١٥ نيسان ٣٢٦ تاريخی و ٤٥٤ نومرولی اعلام صورتیدر

« بر هیئت اتهامیه داخلنده کی مستظفر پیننده تحدث ابدن اختلافاتك مرجع حل و تدقيق مدت موضوع بحث ايدلسكسزین مذکور هیئت اولوب محکمه تمیزه عائد اولمادیغنه دائر »

درسمعات و بیغا بدایت محاکمی استنطاق دائره لرندن اعطا ایدیلان قرارنامه لرك یکدیگرینه مبیانتندن

ناشی تعیین مرجع دعوی طلبی حاوی در سعادت بدایت محکمه سی مدعی عمومیلکی جانبندن معطی ۶ نیسان ۳۲۶ تاریخی استدعا نامه و اوراق متفرعه سی باش مدعی عمومیلک مأموریت بهیه سندن با تبایغنامه ۱۳ نیسان ۳۲۶ تاریخنده محکمه تمیز استدعا دائره سنه تودیع ایدلکله قرائت و مطالعه اولندی

مذکور تبایغنامه ده بدیعه خانم حرف اندازلق و پولیس مصطفی افندی بی اثنای وظیفه ده تحقیر ایتدیکی ادعا قلنان یوسف اوغلی بکر افندی حقنده کی تحقیقاتک مرجع رؤیتجه حاصل اولان اختلافک موقع جرم والیوم مظنونک اقامت ایتدیکی محل اعتباریله در سعادت بدایت محکمه سی استنطاق دائره سنجه ا کمال اولنق اوزره حل لازم کله جکی کوسترلشددر .

ایجابی لدی المذاکره اوراق متعلقه مندرجاتندن منظم اولدینی اوزره اختلاف واقع بر هیئت اتهامیه به مربوط اولان ایکی مستنطق آره سنده حادث اولمش و اصول محاکات جزائییه قانونک در تیوز اوتوز ایکنجی ماده سنده کوسترلیدیکی وجهله بر محکمه استینافییه دائره سی داخلنده بولنان محاکم ابتدائییه دن سایی و قبولی ویریلان یکدیگره مابین مقرراتک تدقیقه دعوانک تعیین مرجعی او محکمه استینافییه عائد اولدینی کی بر هیئت اتهامیه داخلنده کی مستنطقل جانبندن بویولده اعطا قلنان قرارلرکده مدت مسئله سی موضوع بحث ایدلکمزین هیئت مذکوره جه تدقیقی مقتضی بولنش اولدیغندن بیغا و در سعادت مستنطقلری بیتمده شو خصوصدن دولای حادث اولان اختلاف حقنده دخی صور محرره وجهله معامله اولنق اوزره دوغریدن دوغری به محکمه تمیزه قارشو وقوع بولان تعیین مرجع طلبنک بو سببدن دولای ردیله اوراقک مدعی عمومیلکله اعاده سنه ۱۵ نیسان ۳۲۶ تاریخنده متفقاً قرار ویرلدی

محکمه تمیز حقوق دائره سندن صادر اولان ۵ نیسان ۳۲۶ تاریخی و ۱۷۷ نومرولی اعلام صورتیدر :

« بردینک تکمل و قبول ایدلسی صحیح و موجب الزام اولق ایچوزآ فی قبل والزام ایدنک رضاسنه و رضا ایسه بوبایدکی سندن مندرجانه واقف و عالم اوله رق تختم ایدلدیکنک ثبوتنه وابسته اولدیغنه دائر »

کدک پاشاده طائلی قیوده ساکن سقا اصنافندن طورسون و قوم قپوده نشانجه ده مقیم کورجی اصنافندن محمد اغالر ایله قره مرسل چوخه و شیاق مغازه سی مأمورلرندن اسماعیل حق افندی میانهلرنده متکون دعوا به دائر در سعادت بدایت محکمه سی ایکنجی حقوق دائره سندن ویریلوب خرجی مزبور طورسون طرفندن بالا عطا اخذ و استحصال ایدلکله مدت قانونیه به تابع اولیان ۹ مارت ۳۲۶ تاریخی والتمش اوچ نومرولی اعلام یالکیز مزبور طورسون اغا طرفندن تمیز ایدلش اولغله طرفینک اعتراض و جواب لایحه لرله بالمطالعه تدقیقات تمیزی به اجراسنه ابتدار اولندی .

مذکور اعلامک خلاصه مندرجاتی مومی الیه اسماعیل حق افندیک مرقوماندن محمد اظا کفالتیه طورسون آغا ذمتنده بر قطعه سندن موجبجه جهت قرضدن الهجفی اولان اوتوز عدد عثمانلی التوننک اصالة و کفالة مرقوماندن تخصیاتی طاب و دعوی و بر قطعه سندن ابراز و اعطا و مدعی علیه مرقومان و کیلی مبرز سندزیرینه موضوع مهرلرک موکلرینک اولدیغنی اقرار ایله انجق موکلاری مرقومانک او قومق بیلمدکلرندن بر عقد غیر لازمی مشردیکر سندی تختم ایدوب قرض عنوانی سندی مهرله متکلرینی افاده وادعا ایللری اوزرینه محکمه جه مدعی علیه مرقومانک مبرز سندن مندرجانه واقف اوله رق وضع ختم ایدلکلرینی مدعی مومی الیهک بالینه اثبات ایتسی حقنده ویریلان قرار اوزرینه مدعی مومی الیه طرفندن اقامه اولنان شهود استماع اولندقدن صکره بدرجه به قدر قسماً ووجاهاً و اخیراً مدعی علیه مانک عدم اجابتلرینه بناء تعیین قلنان وکیل مسخر حضوریله غیاباً جریان ایدن محاکمه و تدقیقات نتیجه سنده مدعی علیه مرقومانک مبرز سندی مندرجانه واقف اوله رق تختم ایدلکلری لدی التذکیه عدل و مقبول الشهاده اولدقلری تحقق ایدن شهود مستمعه دن احمدک مرقوم طورسون زدرینه کیدوب مذکور سندی یازمش اوله رق ابراز و کندینی دخی او قویهرق زیرینه تاریخ وضع و مدعی علیه مرقومانک اسمارینی تحریر ایدلیکنه و مبلغ مدعاهک مدعی مومی الیه دینلری بولندیغنه وزیرنده کی مهرک مرقوم طورسون آغانک مهری ایدوکنه و جمالک مرقوم احمد اظا مذکور سندی طورسون و محمد اغالرک مواجههلرنده او قویوب سندن زیرینه تاریخ وضع و اسمارینی تحریر ایدلیکنی و مرقومانک مدعی مومی الیه اوتوز لیرا بورجلی اولدقلرینی و زیر سنده کی مهر مرقوم طورسون آغانک ایدوکنی و محمد آغانک مهرینی وضع ایدوب ایتدیکنی بیلمدیکنه دائر وقوع بولان شهادتیه ثابت اولسنه و دیگر مدعی علیه محمد آغانک مبرز سندی مندرجانه واقف اوله رق مهرله دیکی اکلاشیله میوب سندی اولوجهله مهرلیدیکنه دائر مرقوم محمد اغایه توجه ایدن یینی مدعی مومی الیهک تکلیف ایتام سنه منی مجله نک (۱۶۰۶) و (۱۶۰۹) و (۱۷۳۶) نجی ماده لری ایجاباتجه مدعا به اوتوز عدد عثمانلی لیراسنک مدعی علیه مرقوماندن طورسوندن بالتحصیل مدعی مومی الیه اعطاسنه و محمد اغایه قارشومنع معارضه سنه دائر ویریلان ۱۰ تشرین ثانی ۳۲۵ تاریخی و بییک درت یوز سکسان طقوز نومرولی اعلام غیابینک عندالاعتراض تصدیقنه حکمدن و اشبو حکم علیه سنده مستدعی تمیزک لایحه سنده مندرج اعتراضاتک باشلوجه سی مدعینک اقرار بالکتابه سیله کندوسنه صفت کفالت اسناد ایدلش واصل مدیون دینلان شخص حقنده کی طلب وادعا اثبات اولنه مامش اولدینی حالده بوجه محرر حکم اولنسی مغایر قانون اولدیغندن بختله اعلام مذکورک تقضی و لایحه جوابیه مالی دخی اعتراض مذکورک غیروارد بولندیغندن ردی و موافق اصول وقانون اولان اعلام تمیز بهک تصدیقی طلبندن عبارتدر .

ایجابی مذاکره اولندقدنه اعلام مذکور مأنندن منظم اولدینی اوزره محکمه مذکوره جه هر نه قدر برمنوال محرر حکم اولنش ایسه ده مدعی علیه مرقومک سندن مألنه واقف اوله رق وضع ختم ایدلیکنک اثباتی لزومه محکمه مذکوره جه قرار ویرایش ایکن شهود مستمعه نک بوجه محرر افاداتی بونی مثبت اولمادیغنی

حاله قبول ايدلمسى قرارواقعه مخالف اولديغى كى بردينك تكفل وقبول ايدلمسى صحيح وموجب الزام اولق
ايچون آنى قبل والتزام ايدىنه رضا ايسه سندن مندرجاتنه واقف وعالم اوله رق تخيم ايدلىكنك
ثبوتنه وابسته ايكن محكمه جه شهادت واقعه نك قبولى وموجبجه دعوايه حكم اولمى يولسز وقانونه
مغاير اولديغنه بناءً اصول محاكمه حقوقيه قانونك ايكوز اوتوز ايكنجه ماده سى موجبجه اعلام
مذ كورك تقضيه قانون مزبورك ايكوز قرق درديجي ماده سندن توفيقاً كيفيتك بالرؤيه اعلامه ربطى ضمنده
محكمه مذ كورده اعاده سندن مستدعينك فقرحالى باعم وخبر ثابت اولمغه حين اجرا ده خرج تعرفه سندن ماده
مسئله سى حكمنه توفيق معامله اولمق اوزره قيديه وتبليغيه وصورت خرجلى بولان يوزيش غروشك
شمديك بالتأجيل ماعدا زيرده مفرداتى مرقم اولوب اول و آخر مستدعى طرفندن تسويه اولنان ايكوز
قرق بش بچق غروشله مع پول لايحه جوابيه قيديه سى اوله رق تميزعليه درفندن اعطا قلنان يدى غروش كه
جماً ايكوز الى ايكي بچق غروش مصارف تميزيه نك ايلروده حقسز حقيقه جق طرفه عائد اولمى ۵ نيسان ۳۲۶
تاريخنده متفقاً قرار ويرلدى .

محكمه تميز حقوق دائره سندن صادر اولان ۱۶ ربيع الاول سنه ۳۲۸ و ۱۳ نيسان سنه ۳۲۶ تاريخلى
و ۳۰۰ نومرولى اعلام صورتيدر .

« محكمه استيفاجه ممكن النحرز اولان سرقت حقننه بيان مطاعه به كبريشامسندن دولاي معطى اعلام
نقض ايدلىكنه دائر »

رسومات مديريت عموميه سى ايله بشكطاشده خير الدين اسكله سنده طيب ميرلورندن ابراهيم پاشانك
خانه سنده مقيم غلطه كمركى وزنده دار اولى متوفى محمد افندى ورثه سى وصيدى پاشاى مومى ايله و كمركى
وزنده دار ثانيى احمد افندى ومتوفى مومى ايله محمد افندى كفىلى متوفى صراف پولخيرونىادى عرب اوغلى
ورثه سى بيلرلنده متكون دعوايه دائر محكمه استيفاجه حقوق قسمندن ۱۰ نشرين اول سنه ۳۲۵ تاريخى
و طقسان سكر عدليه ويريلان اعلام وصى مومى ايله ابراهيم پاشانك اخيراً وفاتى وقوعنه وهنوز ورثه
مرقومه يه وصى تعيين قلناماش اولمى سندن مبنى دعواى واقعه نك يالكر وزنده دار ثانى احمد افندى يه حصريه
تميزى رسومات وكلى طرفندن استدعا قلنش وعلى الاصول اوراق تميزيه صورتلى مزبور احمد افندى يه تبليغ
و اعطا قلنش اولديغى حالده طرفيندن جواب لايحه سى ويرلماش اولديغندن باش مدعى عمومىك مأموريتك
مطالعه نامه سى التدقودن صوكره اعلام مذ كور يالكر مستدعينك اعتراض لايحه سيله بالمطالعه تدقيقات تميزيه
اجراسنه ابتدار اولندى .

اعلام مذ كورك خلاصه مندرجاتى رسومات وكلى غلطه كمركى وزنده دار اولى محمد افندى ايله ثانيى

احمد افندىك كمركى حاصلاتندن و ديپوزيتو اچمى سندن ذمتارينه كچوردكلى التمش بيك التيوز التمش سكر
غروش اون يدى پاردي سرقت اولنديغندن بحثله ويرمى كمرندن وبولردن محمد افندىك اخيراً وفاتى وقوعبولديغندن
مبلغ مذ كورك متوفى مومى اليك ورثه سندن و احمد افندى ايله كفىللىرى متوفى پولخيرونك تركه سندن
وضعيد ايدن ورثه سندن تحصيلنى در سعادت بدايت محكمه سى ايكنجه حقوق دائره سنده طاب ودعوى ومدعى
عليهم دخى عين مسئله دن طولاي وقتيله حقوق عموميه دعواى اقامه اولنديغى حالده جنات محكمه سنجيه
برائت ذمه قرار ويرلديكى واولابده كى اعلامك دخى كسب قطعت ايتديكى وبنابر ين شمدى حقوق شخصيه
دعواسنك اقامه سندن مدعى وكيلك حق اولمادىغى مدافعه افاده و انبا ايتلىرى اوزرينه بالتذكر دعواى
حاضره صرف امانت دعواى اولمغه محكمه جه رؤيتى لازمكه چكى قرار كير اولمى سندن قارشو مدعى عليهم
دعوى ايدىلان آچمه ايام تعطيله ده سرقت اولنديغى جهته كندولرى امين اولق حسييله يمينيله تصديق
قلنه جغندن مسئوليتلى لازمكميه چكى ادعا ايتلىرى جهته جريان ايدن محاكمه و تدقيقات نتيجه سندن مبلغ
مدعا بهك سرقت اولمى سندن دولاي وقتيله رسومات امانتى طرفندن مومى اليهما محمد و احمد افنديلر عليهنده
اقامه اولنان سرقت دعواسنده هر ايكي سندن برائت استحصال ايتدكلى ثابت اولديغندن امانت مشار اليهانك
بو باده كى ادعاسنك رديله اصيلاى ايله كفىله قارشى معارضه دن منعه دائر صادر اولان اعلامك عند الاستيفاجه
تصديقه حكمنه و مستدعى تميزك اشبو حكم عليهنده لايحه سندن محرر اعتراضاتك خلاصه سى اداره نك
اساساً اقامه ايدلىكى دعوى وديعه نك حفظنده احمد ومحمد افنديلر صنع وتقصيرى اولديغندن تضمينات اولق
اوزره مبلغ مدعا بهك تحصيلى طلبنه متدائر اولديغى و حاصلات يوميه نك اقسامدن اقشامه وزنه عموميه يه
ارسالى اصول متخذه ايجابندن ايكن بو يولده مبلغ مذ كورى توقيف ايدرك ضياعنه سببيت ويرملرى
مسئوليتلىرى موجب اولديغندن بحثله اعلام مذ كورك نقضى استدعاسندن و آتق البيان مطالعه نامه مالى ده
اعتراضات واقعه نك بجا ونقض حكمنه موجب اولديغى بيانندن عبارت بولمى شدر .

ايجابى مذا كره اولندوقده اعلام مذ كور مألندن منضم اولديغى اوزره بدايه دعواى واقعه نك امانت
دعواى اولديغى بيانيله حقوق محكمه سندن رؤيتى لازم كه چكى يولنده قرار اتخاذا اولندوقدن صكره محكمه
جنائته اقامه اولنان سرقت دعواسندن مدعى عليهمانك برائت ايتدكلىرى ناشى مديريت مشار اليهانك رد
ادعاسنه قرار ويرلمى متناقص مقرر اتدن اولديغى كى محكمه جنائته سوق اولنان سرقت ومسروقك تضمينى
دعواى ايكن حقوق محكمه سندن اقامه ايدىلان دعوى مدعى عليه احمد افندىك سرقتى ثابت اوله مامسى
اوزرينه مومى اليك محافظه سندن مأمور اولديغى وديعه نك امر محافظه ده واقع اولان تقصيرندن دولاي سرقت
ايدلمش اولمى جهته ضماً كندوسندن استحصالندن عبارت اوله رق ايكي دعوى آيرو آيرو ماهيته بولنديغنه
وامينك تقصيرندن ناشى وديعه ضايع اولنجه امينه ضمان لازم كه چكى مجله نك (۷۷۷) و (۸۸۷) نجى
ماده لرلنده مصرح اولوب شو حالده رسومات مديريتك دعواى شايان استماع اولديغنه كوره محكمه استيفاجه

اعلام ابتدائی فسخ ايديلهرك يکيدن رؤيت دعوى ايدلمك لازم کور ايکن حکم ابتدائی مذکورک تصديق اولمسي و بروجہ محرر حقوق محکمه سینه عرض ايدیلان دعوى وزنه دار احمد افدينک وديعه ي سرقت ايدليکنه متدائر اولماديني حالده استينافاً اسباب موجبہ صرہ سنده بوندن بحث ايدلمسي و اسباب سالفه يہ بناءً اعلام ابتدائينک فسخندن صکرده کيفيت تقصير مجله مذکورہنک (۱۸۱۶) و اصول محاکمہنک (۵۰) نجی مادہ لری موجبہ مدعيدين استفسار واستيضاح ايدلمسي ايجاب ايدر ايکن مزبور احمد افدينک حادثہ مذکورده واقع اولان تقصيري ايضاح اولنماسي خصوصنک دخي اسباب موجبہ تصديقدن عد ايدلمسي و وديعهنک موضوع اولديني محاکمہ محافظه سینه احمد افدينک مکلفيني بولنوب بولماديني حقندہ برکونا محاکمہ اجرا ومدعيدين ايضاحات طلب ايدنامش اولديني حالده محکمه استينافه بومبحث حقندہ بيان مطالعہ يہ کيريشلمسي و ممکن التحرز اولان سبب سرقت و ممکن التحرز اوليان سبب دخي حريق غالب کي شيلردن عبارت اولوب سرقت موجود اولنجه آرتق مدعي عايهک بوکا يغي سرقتہ ميدان ويروب ويرمديکي حقندہ بيان مطالعہ يہ لزوم يوق ايکن محکمه استينافه ممکن التحرز اولان سبب ميدان ويرديکي ادعا و اثبات اولنامش دنيلهرك اسباب سرد اولمسي يولسر و مغاير قانون اولديغنه بناءً اصول محاکمہ حقوقيه قانوننک ايکي يوز اوتوز ايکنجی مادہ سي موجبہ اعلام مذکورک نفضيله قانون مذکورک ايکيوز قرق دردنجی مادہ سنک فقرہ اولاسي حکمنه توفيقاً کيفيتک صورت محرره دائره سندن يکيدن بالرؤيه اعلامه ربطي ضمندہ قسم مذکورده اعاده سینه وزيرده مفرداتی مرقم اولوب اول و آخر مستدعي تمیز طرفدن ويريلان اوچيوز التمس بحق غروش مصارف تميزينهک ايلروده حقسر چيقه جق طرفه عائد اولمسه ۱۶ کانون ثانی سینه ۳۲۵ تاريخنده متفقاً قرار ويرلدي .

~~~~~

محکمه تمیز جزا دائره سندن صادر اولان ۴ ربیع الآخر سینه ۳۲۸ و ۱ نيسان سینه ۳۲۶ تاريخی و ۶۳۵ نومرولی اعلام صورتيدر .

« محکمه استينافيه جہ مجرميته دائر قرار اعطاسندن صکره قانون جزاده برجزای معين بولماديفندن دولایي عدم مسؤوليته قرار ويرلسي لازم کليرکن اشبو ايکي قرارک توحيد ايدلمسنگ نقض حکمی مستلزم اولديغه دائر »

سيد احمدک قتلي ماده سيله متهم محان بن بکرک انثای محاکمه سنده مرقومي جزادن قورتارمق مقصديله شهادت کاذبه ده بولندقلری ادعا قانمسندن دولایي جنائيله اتهام اولنان محمد بن امين و علی بن محمدک بالحاكمه عدم مسؤوليتلرينه دائر دياربکر ولايتي استيناف محکمه سي جزا دائره سندن ويريلان ۱۳ شباط ۳۲۵ تاريخ وایکي يوز اوتوز اوچ نومرولی اعلامک تمیزيني مستدعي محکمه مذکورہ مدعي عموميلکي طرفدن ويريلان استدعا

نامه ولايحه ايله اوراق دعوى باش مدعي عموميلک مأوريت عليه سندن ۲۲ مارت سینه ۳۲۶ تاريخ وایکي يوز اوتوز نومرولی تبليغنامه ايله محکمه تمیز جزا دائره سینه کوندردليکندن استدعا نامه مذکورک مدت قانونيه ظرفنده اعطا ايدليکي اکلاشيله رق قبول ايدلمکله کافه اوراق دعوى مطالعه قلندی .

لايحه تمیزيه ده متهمان محمد و علی حقارنده ادعا سبقت ايتمکسرين اصول محاکمہ ايکي يوز سکسان برنجی مادہ سنده کي رأساً قيدندن بالاستفاده طرف رياستدن توقيف مذکورہ سي اسطار ايدليکندن و محکوم محاکم فعل قتلہ جرأتی شهود سائرہنک شهادت لریله ثابت اولمق جهتيله مرقومانک افاده لری کذبہ مستند اولديني تحقق ايتديکدن و مرقومان حقارنده اول امرده مجرميت قراری اعطاسي ومؤخرأ فقدان جزايه مني عدم مسؤوليتلرينه قرار اصداري لزوم قانونيسندن ذهول اولنديغندن بختله اعلامک نقضی استدعا قلنمشدر .

تبليغنامه ده دخي شهادت کاذبه جرائنده رئيس محکمه يده رأساً توقيف اشخاص صلاحيتي بخش ايدن اصول محاکمات جزائيهنک ايکي يوز سکسان برنجی مادہ سنک عبارته و مرقومان علی و محمد متهم محان حقنده برحکم ترتب ايتمکسرين رجوعله حقيقت حالی اخبار ايتمش اولمليرينه و شهادت کاذبه آريجه برجرم اولمق اعتباريله محاکم دعواسيله هر حالده توحيد ضروريات قانونيه دن بولنامسینه کوره لايحه ده بوجهاتی احتوا ايدن اعتراضات بجادکاسه ده اول امرده متهملره اسناد اولنان فعل توصيف ايديلهرك مجرميتلرينه و ايکنجی برقرارلده صورت توصيف وتجريمه نظراً عدم مسؤوليتلرينه قرار اعطاسي مقتضی ايکن هرايکي قرارک توحيد ايدلمسي مخالف قانون ولايحهنک بوکا دائر اولان فقره سي وارد اولديغندن بختله اعلامک نقضی طلب ايدلمشدر .

تدقيقات تمیزيه اجرا اولندقدہ مرقومان علی و محمد اسناد اولنان فعل توصيف ايديلهرك مجرميتلرينه قرار ويرلکدن صکره فعل مذکور حقندہ قانون جزاده بر جزای معين بولماديني حالده عدم مسؤوليتلرينه قرار اعطاسي لزومندن ذهول ايديلهرك هرايکي قرارک توحيدی مخالف اصول وقانون بولنديغندن اصول محاکمات جزائيه قانوننک اون دردنجی مادہ سینه توفيقاً اعلام مذکورک بر موجب طلب نقضه ۲۸ مارت سینه ۳۲۶ تاريخنده قرار ويرلدي .

~~~~~

محکمه تمیز جزا رائره سندن صادر اولان ۲۰ ربیع الآخر سینه ۳۲۸ و ۱۷ نيسان سینه ۳۲۶ تاريخی و ۸۹۲ نومرولی اعلام صورتيدر .

« ايکي کشي يکديکريله منازعه و مجارحه ايدرك جرحه نك شدي تسكين اولنهدن قاتلک عشرت حالنده واخذ ثارمه قصديله مجروحک برادريني جرح و قتل ايلديکندن دولایي متعمد عدايدلسنده اصابت قانونيه اولمديغندن اعلام میز بهک نقضه دائره »


مصطفى بن سليمان المغربي نك بالمنازعه ضرب وجرحی و مرقومک برادرى عمرک قتلي ماده لرندن طولاني

جنايته متهم فرج بن احميده المبرمينك بالحاكمه قانون جزائك يوز تمشجى مادمه سنه توفيقاً اعدامه دائر بنغازى سنجاعى جزا محكمه سندن صادر اولان ۱۵ اغستوس سنه ۳۲۵ تاريخى وايكى يوز اللهى درت نومرولى اعلام ايله اوراق متفرعه سى باش مدعى عموميك مأموريت عايه سندن ۳۱ مارت سنه ۳۲۶ تاريخى و بشيوز اون طقوز نومرولى تبليغنامه ايله محكمه تميز جزا دائره سنه كوندرايكله اوراق مذ كوره مطالعه اولندى .

مذ كور تبليغنامه ده متهم مرقومك مقتولك برادري مصطفى ايله بالنازعه يكديكرى جرح ايدرك جريحه نك شدتى تسكين اولقمسرين على الصباح ميخانه يه كيدرك حدتى تزايد ايتكله الله الات قتلدن اولان قازميهى آلوب مصطفىا بوله ميه جغنى تفكرله عمرك چالشمقده اولدينى دكانه بالهجوم تومدا باشك اوچ محندن جرح ايلك صورتيه ايضاً قتل ايتديكى مجرميت قرارنده كوسترلسنه وبوصورت بيانات ايسه متهم مرقومك مقتولك برادريه اولان مجارحه سندن تحصل ايدن حدت وحرارتك كسب سكون وعواقب احوالى تأمل ايديهيله جك حال طبيعيتك عودت ايتكسزين سائقه عشرتله برقات دها تزايد وفوران ايدن حدت وتهورله فعل مذ كورى ايضاً وارتكاب ايتديكى اراءه واحساس ايدر اسبابدن بولمسنه كوره تعيين اولنان وصف جرمك اصابتسزلىكى نمايان اولقده اولغله برابر برطرفدن حدتك دوام وتزايدى كيفيتك وديكر طرفدن تعمذك قبولى تقدير ماهيت مسأله خصوصنده مهمجه بر تضاد تشكيل ايلش وحين ايضاً جرمه متهم ايله بونك كين و غضبك معطوف عايهى اولمايان مقتول بيننده منازعه لسانيه وقوعى كى برحالك مسبق و بر سائق ديكر موجود اولوب اولدينى حقدنه تعميقاً اجراى تحقيقات اولنامش و متهم ايله مقتولك برادري بيننده سبقت ايدوب سبب جرح و قتل اولمق اوزره تعيين و بيان قلنان مضاربه و مجارحه دن وقعه جرح و قتله قدر گذران ايدن زمانك متهمه عارض اولان غضب وحدتك كسب سكون ايتسنه درجه كفايتى نقطه سندن دخى بيان رأى ومطالعه قلمامش اولمى سندن بالبحث اعلام مذ كورك نقضى طلب اولمشدر .

تدقيقات تميزيه لى الاجرا تبليغنامه ده بيان اولندينى اوزره مجرميت قرارنده متهم مرقومك اولاً مقتولك برادري مصطفى ايله بالنازعه يكديكرى جرح ايدرك جرحه سنك شدتى تسكين اولقمسرين على الصباح ميخانه يه كيدوب عشرتى حانده حدتى تزايد ايتكله الله قازميهى آلوب مصطفىا بوله ميه جغنى بالتفكر عمرك دكانه هجوم ايدرك باشك اوچ محندن جرح ايلك صورتيه فعل قتل ايضاً ايتديكى كوسترلسى مقتولك برادريه اولان مجارحه سندن متحصل حدت وحرارتى كسب سكون ايتكسزين مهوراً فعل مذ كورى ايضاً ايتديكى اراءه واحساس ايتكده اولديغه وشو حاله كوره تعيين اولنان وصف جرمه اصابت اولماديني كى برطرفدن حدتك دوام وتزايدى كيفيتك وديكر طرفدن تعمذك قبولى دخى يكديكريله غير قابل تأليف بر تضاد مهم تشكيل ايتكده بولمسنه و متهمك حدتنه سبب مصطفى اولدينى حالد مقتول ايله بينلرنده بر منازعه لسانيه سبق ايدوب ايتديكى ويا برسائق ديكر موجود اولوب اولدينى حقدنه تعميق تحقيقات اولنامش ومقتولك برادريه اولان منازعه ايله وقعه قتل آره سنده كى زمانك تهور وحدتك تسكينه كفايتى خصوصنده دخى بيان

رأى ايدنامش اولماسنه واحوال مذ كوره ايسه نقضى موجب اسباب قانونيه دن بولنديغه مبنى اعلام مذ كورك اصول محاكات جزائيه قانونك اوچيوز اون دردنچى مادمه سنه توفيقاً نقضيله اوراقلك محلنه اعاده سنه وايكى يوز غروش خرج اعلامك حقسز چيقه جق طرفندن تحصيله ۷ نيسان ۳۲۶ تاريخنده متفقاً قرار يرلدى .



انجمن عدليه مقرانى

انجمن عدليه دن صادر اولان ۱ شباط ۳۲۵ تاريخى قرار صورتيدر

« بيك غروشدن دون دعاوى به متعلق مسائلده تسجيل اولنان وكالتلردن مكتب حقوق اعانه سنك التماسنه دائر »

تجارت بحريه محكمه سى رياستندن نظارت جايمله لرينه بالتقديم انجمن عدليه حواله بيوريان ۱۳ كانون ثانى ۳۲۵ تاريخى مذ كره مطالعه اولندى .

خلاصه مؤداسى وكالتنامه لك حين تسجيلنده مكتب حقوق اعانه سى ناميله بر رجيدى النوب تسليم وزنه اولقمده ايسده اشبو اعانه نك بيك غروشدن يوقارى اولان دعاوى ايجون تسجيل ايديلن وكالتنامه لره عاثر اولوب مذ كور مقداردن دون اولان و مجازاً تسجيل ايديلن وكالتنامه لره شمولى اولمدينى وحتى بويولده وقتيله دواؤرده ايفاي تبليغات اولندينى درميان اولمسنه بناءً احوال مماثلده اولنه جق معاملهنك استيداننى محتوى اولدينى كورلدى . ايجاب كيفيت لى المذاكره بيك غروشدن دون اولان دعاوى به متعلق مسائلده تسجيل اولنان وكالتلردن سائر رسوم قانونيه نك استيفا اولنامقده اولمسنه نظراً مكتب حقوق اعانه سنك ده التماسى موافق اولديغه متفقاً قرار ويرايكله اولوجهله محكمه مذ كوره رياسته جواباً ايفاي تبليغات اولمى منوط اراده عايه نظارت پناهيليردر .

انجمن عدليه دن صادر اولان ۱۵ مارت سنه ۳۲۶ تاريخى قرار صورتيدر

« اورمان اداره لرينه متعلق دعاوى مواد جزائيه دن بولنديغن خرج خصوصانده مواد مذ كوره حقدنه كى احكامه رعايت ايدلسى لازم كالديكنه دائر »

اقره ولايتى استيناف مدعى عمومى كندن مقام جليل نظارت پناهيلرينه بالتقديم امور جزائيه ميريتندن

كوستريلان لزومه بناءً انجمن عدليه حواله بيوريلان ٢٨ كانون ثاني سنه ٣٢٥ تاريخي و ٩٢٥ نومرولى تحريرات تدقيق ومطالعه اولندى.

تحريراتك خلاصه مالى اورمان اداره لرينك اجرايه وضع ايتك اوزره اخذ ايد جكلرى اعلامات اصلارندن خرج نسبي استيفا ايدىلوب ايدليه جكنه وبوقيل اعلاماتك اصل وصورتلرينك ورقة حجازيه ايله تمغا پولنه تابع بولنوب بولماديغنه دائر استيدانى متضمندر.

ايجاب كيفيت لى المذاكره اورمان اداره لرينه متعلق دعاوى مواد جزائيه دن بولندينى جهتله بومثللو خصوصاتده دخی مواد جزائيه حقنده جريان ایدن احكام قانونيه توفيق معامله اولنق لازم كله جكنه متفقاً قرار ويرلدى.

انجمن عدليه دن صادر اولان ٥ نيسان ٣٢٦ تاريخي قرار صورتيدر

« كرك قوانينك و كرك اصول وتعاملك تفسيرينه عائد اولان مقررانك ماقبله شمولى اوله جفته دائر »

بغدادده تكنه التى محلله سنده مقيمه سمحه بنت صالح دانيال امضاسيله مقام نظارت جليله لرينه تقديم اولنوب مذاهب مديريت بهيه سندن كوستريلان لزومه بناءً انجمن عدليه حواله بيوريلان ٢٨ شباط ٣٢٥ تاريخي عرضحال ايله مديريت مومى اليها وامور حقوقيه مديريت بهيه سنىك ظهرنده محرر دركنارلرى واوراق متعلقه بى قرائت ومطالعه اولندى.

مذكور عرضحالك خلاصه مالى متوفى زوجى مناجيم سلمان افدى علمينه بيك ايكي يوز طقسان التى سنه سنده درسعادت خاخم باشليغندن تصحيحاً استحصال ايدلىكى نفقه اعلامك شمدى به قدر هر جهتي تدقيق ايدلىكى حالده هنوز اجراسى يولنه كيدلامسى مغدوريت وسفالتى موجب اولديغندن استدعاى معداى حاوى ومذاهب مديريت بهيه سنىك دركنارى خلاصه مدلولى دخی مومى اليها سمحه قادينك طقسان درت تاريخنده بغداد خاخمخانه سندن شهرى ايكي بيك غروش نفقه بى متضمن مناجيم سلمان علمينه استحصال ايتش اولديغنىك قرارك تنفيذينه تشبث اولنش ايكن محكومك اول وقت وقوع بولان اعتراضى اوزرينه معامله اجرايه تأخير اولنورق مؤخرأ مزبوردهك طقسان التى تاريخنده يعنى زوجنك وفاتندن صوكره درسعادت خاخمخانه سنه بالمراجعه نفقه شهريه سنىك ايكي بيك بشيوز غروشه ابلاغيله قرار اولى تأييداً ايكنجى بر قرارنامه اخذ ايتش ايسه ده بونك معامله تبليغيه سنده يولسزلق وقوعى ادعا ايدلسندن وبعض احوال واسباب الجاآتيله ايشك بر طاقم مخبراته دوشم سندن ناشى بر شى يابلماش وبر بيق سنه مقدم اوراق مذكوردهك مديريت مومى اليها حواله بيورلىسى اوزرينه اوچيوز سگن سنه سنده اتخاذ اولنان مقرراندىن اول نفقه حقنده دوائر روحانيه دن

بيوريلان قرار نامه لر علمينه اعتراض وقوع بولدينى تقديرده محاكمه حواله بى مرعى ايكن مقررات مذكور ايله بوكون اعتراضاتك تدقيق خصوصاتك بطريقخانه لرله خاخمخانه به حواله بى تقرر ايتديكندن ومذكور قرارنامه احكامى حال حاضره كوره خارج از صلاحيت كوريله مديكى بيان قلندقدن صكره نفقه حقنده قرار ويرمك صلاحيتك خاخمخانه به اوچيوز سگن تاريخنده اعطا قلنمسنه ومذكور قرارنامه ك تاريخ مذكورندن مقدم تاريخى محتوى بولنمسنه بناءً بونك امتيازات مذهبيه دائره سنده ويرلش عد اولنه ميه جنى انجمن عدليه به قرار كير اولمش انجمنك قرار مذكورى بر نظامك ماقبله شمولى اوله ميه جنى قاعده سنه مستند بولنش ايسه ده نفقات زوجات حقنده قرار اعطاسى صلاحيتى بروات عاليه ونظامات موجوده ايله معين امتيازات مذهبيه جمل سندن اولمايوب فسخ نكاح ننايچندن اولدى اعتباريله تعامل ا اكتساب ايدلش ومقررات واقعه ك اساس ومقدارى حقنده اعتراض واقع اولمادينى حالده تنفيذ اولنمقده بولنش اولمسنه نظراً اوچيوز سگن تاريخنده اتخاذ اولنان قرار مذكور ايله بطريقخانه وخاخمخانه لرله يكي بر صلاحيت اعطا اولنش يوقسه تعامل مكتسب اولان صلاحيتك حدود ودرجه سيمى تعيين ايدلش ومستدعيه ك شمدى بتكرار درسعادت خاخمخانه سنه بالمراجعه يكيدين بر قرارنامه استحصال ايتديكى تقديرده اشبو قرارنامه لازم الانفاذ اوله جقميدر بو جهتلرك تعيينى مقتضى اولديغنى ميين وامور حقوقيه مديريت بهيه سنىك دركنارى خلاصه مندرجاتى دخی ولوتعامل مكتسب اولسون نفقه تقديرى حقنده دوائر روحانيه ك حائر اولدقلى صلاحيتك بر قيد مانع قانونى اولمقده اعتراضاً تدقيق كيفيته ده شمولى طبيعى اولديغندن مقررات اخيره ك دوائر روحانيه به يكي بر صلاحيت بخش ايتش صورتنده قبولى اساساً غير جائز اولوب انجق تعامل موجودك تفسير طريقيله تأييد وتصديقه متعلق اولدينى وكرك قوانينك وكرك اصول وتعاملك تفسيرينه عائد اولان مقررانك ماقبله شمولى اوله جنى قواعد عموميه اقتضاسندن بولندينى مطالعه سندن عبارت اولدينى كورلدى

ايجاب كيفيت مذاكره اولنمقده امور حقوقيه مديريت بهيه سنىك مطالعه بى موافق نفس الامر اولمغله اولوجهله ايجابنك اجراسى خصوصته بالاتفاق قرار ويرلدى

.....

انجمن عدليه دن صادر اولان ٥ نيسان ٣٢٦ تاريخي قرار صورتيدر

« ديون متوفانك تركه سى موجب تحرير اولمادينى حالده دائره اجرايه ويريله جك مذكور اوزرينه دايك محكمه نظاميه حضورنده اظهاراً تخلفك اجراسندن صكره دينك تسويه اولنه جفته دائر »

بك اولى بدايت محكمه سى رياست اوليس سندن مقام نظارت جليله لرينه بالتقديم انجمن عدليه حواله بيوريلان ١٤ مارت ٣٢٦ تاريخي تذكرة مطالعه وتدقيق اولندى.

خلاصہ مالی رفاہیل قرہ کوزیان افندینک نارلیان اوسب ورثہ سنہ مادام آنا والی وماری ذمترندہ آلہ جنی اولان مبالغ معلومہ نک تحصیلی حکمنی متضمن بک اوغلی بدایت محکمہ سی حقوق دائرہ سندن صادر اولان اعلامک اجرایی اثنا سنہ مدیونلردن الی طوماسیان وفات ایتش و مزبوریدہ عائد دینک دائن مومی الیہ اعطاسی استظهاراً تحلیفک اجراسنہ متوقف اولوب حالبوکہ مزبورہ نک ترکہ سی محکمہ شرعیہ دن تحریر ایدلماش اولدیغندن دائن مومی الیہک هانکی محکمہ حضورندہ استظهاراً تحلیفی اجراقلنه جغنه دائر استیذانی حاوی اولدیغی کورلدی .

ایجاب کیفیت مذاکرہ اولندقدہ مدیونک وفاتندن سوکرہ قبل الوفات محاکم نظامیہ دن قطعاً محکوم دینک دائرہ اجرا معرفتله تأدیہ و تسویہ ایتدی رلی دینک استظهاراً تحلیفنه متوقف بولندیغنه اتفاق و مدیونک وفاتندن سوکرہ ترکہ سی محاکم شرعیہ جانبندن تحریر ایدلمش ایسه محاکم نظامیہ دن صادر اولوب حکمی اکتساب قطعیت ایدن اعلاماتک ترکہ سی تحریر اولنان مدیونین حقندہ کی قواعدینی مبین و ارادہ سنیہ نی متضمن ۲ مارت سنہ ۳۱۸ تاریخی تحریرات عمومیہ احکامہ قیاساً و اجرا دائرہ سندن ویریلہ جک مذکرہ اوزرینہ دینک محکمہ نظامیہ حضورندہ استظهاراً تحلیفی لازم کله جکی اکثریتله قرار ویرلدی .

مسائل انتخابیہ

توچ حصار قضایی نائب و بدایت محکمہ سی رئیس یحیی واعضادن راشد وصادق و مقاولات محرری محمد افندیلرک مواد معینہ دہ اخذرشوتله وظیفہ و مأموریتلرینی سوء استعمال ایلدکلی امور جزائیہ دائرہ سنجہ تدقیق اولنان تحقیقات اوراقدن نمایان اولسنہ و حرکت واقعہ لری مسئولیت قانونیہ لری مستلزم بولمنسہ بناء مومی الیہمک محاکمہ انتہ النسنہ عدلیہ نظارت جلیہ سنجہ امر مأذونیت اعطا بیورلمشدر .

شئون عدلیہ

حکم اعدام

ارضروملی یروانت افندی ی قتل ایلدیکی بالحاکمہ ثابت اولان بایوردک شتکاه محلہ سی اہالیسندن واترسیان ہاپت ولدخچا طورک قانون جزانک یوزیتشجی مادہ سی حکمنہ توفیقاً اعدامہ دائرہ محکمہ تمیز جزا دائرہ سندن تنظیم اولنان اعلامک موقع اجرایہ وضعی خصوصنہ لدی العرض موجبہ ارادہ سنیہ جناب پادشاهی شرف متعلق بیوریلہ رق اولبایدہ تصدیق و باتد کرہ سامیہ تسیر اولنان امر عالی حکم جلیانک انفاذی ضمنندہ ولایت مذکورہ یہ ارسال واستیناف مدعی عمومیلکنندہ بیان معلومات قلمشدر .

قسط غیر رسمی

۱۰ نوسرولی نسخہ دن مابعد

اصول محاکمات جزائیہ قانونندہ مواد جنائیہ حقندہ عدم اجرایی مفسوخیت حکمی مستلزم اولمق اوزرہ تعیین ایدیلان و اصول و قواعد عمومیہ ایجابجہ محکمہ تمیزجہ اتخاذ اولنان اسباب نقضیہ بیانندہ در :

برخی قسم

اصولہ دائرہ در

تودیع و تبلیغ

۲۴۶ نجی و ۲۴۷ نجی مادہ لرحاکمانجہ معین اولان مهل قانونینک اوراق اتہامیہ نک تبلیغندن اعتباری مهمک ، اتہامنہ اساس اولان نقاط قانونیہ اوزرینہ حین استجوابدہ حقوق مدافعہ سنک تہیہ و احضاری ایچون وضع اولنش برقاعدہ معدلتکاریدرکہ بو حق قانونینک استعمالندن صرف نظر حقوق مدافعاتہ ایرات خلل ایدر . بناءً علیہ محکمہ تمیزجہ نقض حکمی استلزام ایدر .

امر استجواب

۲۴۸ نجی مادہ دہ مندرج اولان استجواب خصوصی معاملات اساسیہ قانونیہ دن معدود اواسیلہ بونک عدم انفاذی جہتہ کیدلسہ معاملہ واقعہ نک مفسوخیتی لازم کاور .

تعیین وکالت

۲۴۹ نجی و ۲۵۰ نجی مادہ لراقتضاسنجہ مهمہ تعیینی ایجاب ایدن وکیلک محکمہ زندندہ مستخدم دعوی وکیللردن انتخاب اولنسی مشروطدر . محاکم زندندہ مخصوص دعوی وکیللری موجود اولدیغی حالہ بونلردن تعیینیلہ صفت قانونیہ لرینک و وکالتہ صلاحیت و مأذونیت رسمیہ لرینک کوسترلنامسی موجب نقض اولور .

مہملر یکدیگریہ عطف جرم ایتدکلی حالہ حقوق مدافعہ لرینی محافظہ ایچون ہر برینہ ایرو ایرو وکیل تعیین ایدلماش نقضی مستلزمدر .

ایکنجی قسم محاکمه ده متهم وکیلک بولنه مامسنه مبنی دیگر بروکیل مدافع تعیین قلمش اولدینی حالدہ صورت جریان محاکمه دن معلومات استحصال واکا کوره حق مدافعه بی استعمال ایتک اوزره ضبط سابقک قرائتیه تکریر محاکمه قاعده قانونیه سنه رعایت اولنامسی موجب نقضدره متهم وکیل تعیین ایتک ایستهمسه ویا وکیل مدافعه احتیاجی اولدیغنی بیان ایتسه ینه محکمه طرفندن مدافعاتنده بولنق اوزره رأساً وکیل تعیینی الزمدره حق مدافعه بی تأمین ایدن بو قاعده قانونیه رعایت اولمز ایسه اعلام نقض اولنور .

متهملر متعدد اولدینی و عطف جرم وقوعونادینی حالدہ هر برینه بشقه بشقه مدافعه وکیللری تعیینی لزوم یوقدر . کافه سنه بردن یر وکیل مدافع تعیین اولنسه مقصد قانونی حاصل اولور . فاما وکیلک متهملردن برینک مدافعه سنی دیگرینک علیهنه چیقه جق بر زمینده ترتیب ایتسی یعنی متهملردن برینی قورتارمق ایچون دیگرینک محکومیتی مستلزم اوله جق طرزده سوز سوبلسی جائز اوله مز . بو حالک موجب نقض اوله جفی بدیدر . چونکه حق مدافعه بی بو صورتله اخلال ایتش اولور .

شوراسیده معلوم اولسون که وکیلک رأساً تعیینی دائر اولان مجبوریق قانونیه الکنز جنایتله متهم اولانلره منحصردر . عندالحا که فعل مدعایی جنحه درجه سنده کوریلان مظنون علیه شامل دکدر .

بر جنایت دعواسنک اثنای محاکمه سنده تعیین قلنان مدافعه وکیلک وظیفه سی متهمک حقوق قانونیه سنی محافظه دن عبارت بولنمش ایکن بر کونه مدافعه درمیاننده بولنامسی ایفای وظیفه وکالتدن استنکاف دیمک اولدیغندن محکمه جه وکیله اخطارات قانونیه اجراییله صورت مدافعه سی طلب اولنق وثبات واصراری حالنده وکالتدن اسقاطیله متهمه آخر وکیل تعیین قلمق اصول محاکمه ک قواعد کایه سننددر . بو نقطه مهمه دن ذهول حقوق مدافعه بی محل و نقضی موجبدر .

متهم وکیلک مدافعاتی هر نهدن عبارت ایسه محاکمه ضبطنامسی ایله اعلامه درج اولنق لازمه دندر . محکمه جه مدافعه واقعه نظر اهمیتیه آلمیهرق بونلرک رد ویا قبولی استلزام ایدن اسباب موجب مجرمیت قرارنده مسکوت عنه راغلمش اولورسه اعلامک نقضی ایجاب ایدرکه بوکا دائر محکمه تمیزک متعدد قرارلری واردر .

رخصت رسمیه بی جائز اولان وکیللره قانونک بخش ایتدیکی صلاحیت و مساعدات مخصوصه نک تمامی حسن جریانیه هر حاله حقوق مدافعه نک تأمین اولنامسی و وکیل مدافعک وظیفه وکالتی سوء استعمال ایتکدن وقایه ایدنامسی سبب نقض اولور .

چونکه متهمه وکیل تعیینندن مقصد قانونی حقوق مدافعه بی تعاق ایدن جهات اساسیه و مهمه نک حسن جریانی تأمیندن عبارت اولوب بناءً علیه مدافعه وکیلک وظیفه اصایه سی دائماً موکلنک لینی التزام ایله هر نه صورتله اولورایسه اولسون دوچار مجازات ایدلمسی موجب اقرار وافاده ده بولنقندن اجتناب ایتکدن وانجق

درجه ثانیه ده اولهرق تخفیف جزایی موجب احوالندن بحث ایتکدن عبارت بولنمش ایکن حق مدافعه نک حسن استعمالی امرنده محکمه جه وکیلک قانون دائره سننده ایفای وظیفه ایتسی اخطار اولنق و تکرر ویا استنکاف وقوعنده تبدیل قلمق لوازم قانونیه دن اولدینی حالدہ بوندن ذهول اولنسی اسباب نقضیه دندر .

متهمک اقربا و احبابسندن بری محکمه نک مساعدت مخصوصه سیله وکیل تعیین ایدیله بیلور . انجق مخصوص دعوی وکیللری بولنمیان محاکمه متهملره کندی اقربا و احبابسندن برینک وکیل تعیین ایتدیرلمسی و متهملرک اوله اقربا و احبابسندن اولمادیغنی ویا خود اولوبده وکالتدن استنکاف ایدلکلی تقدیرده خارجدن اولدق قانون آشنا بر مناسبتک وکیل تعیین اولنسی اصول متخذنددر . شو قدرکه محکمه کاتبلری زدننده مأمور بولندقلری محاکمه اجزای متمم سندن معدود اولدینی جهتله متهملره وکالت ایتلری قانونک قواعد عمومیه سی احکامنه مغایر اولدیغندن بوده نقضی موجب اسبابنددر .

متهم اقربا ویا احبابسندن برینی وکیل تعیین ایتک ایستوبده بونک حق مدافعه بی محافظیه مقتدر اوله مامسی کی بعض اسباب قانونیه بی متهمه جه مساعدت اولمادیغنه دائر لاحق اوله جق قرارلر قطعی و قابل تمیز دکدر .

ادعای مفسوخیت

۲۵۱ نجی ماده ایجابجه متهم مفسوخیت استدعا سننده بولمادیغنی تقدیرده بیله تاریخ استجوابندن اعتباراً معین اولان بش کون مهل قانونی کذران ایتکسزین محاکمه سنه شروع اولنسی موجب نقضدر .

محکمه تعیین وکالت وادعای مفسوخیت حقنده وقوعه جق استجوابدن اول مفسوخیت استدعا سننده بولنق جائز دکدر . اشبو ماده قانونیه ایله ۲۵۳ نجی ماده احکامنه نظراً هیئت اتهامیه دن جنایتله اتهام قرارینی حاوی ویریلان مضبوطلر علیهنه کرک متهملر و کرک مدعی عمومیلر تاریخ استجوابدن اعتباراً مدت معینه قانونیه ظرفنده ادعای مفسوخیتده بولنورلر . بو مسئله حقنده محکمه تمیزجه اتخاذ اولنان قرار اسباب آتیه بی مبتنی ایدی :

قبل الاستجواب بر طرفک وقوعه اولان مفسوخیت ادعاسنک قبولی بالاخره مادین مذکورینک اراءه ایلدیکی صلاحیت دائره سننده مدعی عمومیلر جانبندن اقامه اولنان مفسوخیت دعوا بی اوزرینه تکرارتدقیقیله بر ایشک ایکی دفعه محکمه تمیزدن کچورلمسی ده و متهمک قبول استدعا سیله مضبوطه اتهامیه نک تصدیق صورتنه کورده مدعی عمومیلرک بو باده کی صلاحیتنک اسقاط ایدلمش اولسی کی نتایج تولید ایدرک بو ایسه احکام قانونیه بی منافی اوله جفی جهتله متهملر طرفندن قبل الاستجواب اعطا اولنان مفسوخیت استدعا نامه سنک ردینه قرار ویرلمشیدی .

بو ماده ده تعیین ایدیلان اخطارات و معاملات قانونیه بی حاوی تنظیم ایدیله جک ضبط ورقه لری محکمه رئیس وکاتبی و متهم طرفلرندن امضا اولنه جق و متهم وضع امضا ایدمه دیکی ویا خود ایتک ایستمدیکی حالدہ

کیفیت ضبط ور قه سنه قید و اشوت ایدیه جکدر. معاملات مبسوطه دن برینک نقصانی حکم اعلامنده کوریه جک اسباب سائرۀ نقضیه انضمامیه بادی نقض اولور.

اصول جزائیه نک نظریات حکمیه سنه تدقیق ایله اوغراشان بعض مؤلفر بوماده احکام نک حق مدافعه به تعلقی بدیهی اولان معاملات اساسیه دن معدود بولمسنه مبنی عدم اجرایی اجتهاداً اسباب نقضیه دن بولندیغه رأی ویریورلر.

۲۵۴ نجی ماده احکام نجه مفسوخیت ادعایی انجق هیئت اتهامیه نک اتهام مضبطه سی علینده اسباب آتیۀ اربعه اوزرینه ایدیه بیلور. بو اسبابک برنجیسی هیئت اتهامیه نک ایشی حواله ایتدیکی محکمه جنایتک عدم صلاحیتی در. یوقسنه هیئت اتهامیه به معطوف دکدر؛ بناء علیه هیئت اتهامیه مضبطه سنده متهمک اجرای محاکمسنه مرجع کوستریلان محکمه نک عدم صلاحیتی مسئله سی اسباب اربعۀ قانونیه دن برنجیسنه استناداً مضبطه نک فسختی مستلزمدر.

ایکنجیسی که دعوی اولنان فعلک جنایت نوعندن معدود اولماسیدر. مثلاً فعل قتلک قانون جزانک (۱۸۶) نجی ماده سی موجب نجه محضاً مدافعه نفس و محافظۀ عرض ایچون انداخت اولنان سلاح مقاومتک اثری اولوب بوده معافیت قانونیه بی مستلزم احوال دن بولمغله دعوی اولنان فعلک قانوناً افعال جنائیۀ دن بولنامسندن ناشی اسباب مذکورۀ نک ایکنجیسنه استناداً سرد اولنان اعتراض محکمه تمیز نجه مضبطه نک فسختی موجبدر.

اوچنجیسی که مدعی عمومینک هیئت اتهامیه حضورنده. تقریر شفاهیسنک استماع اولنامسیدر، هیئت اتهامیه ده مدعی عمومینک استماع اولنادیغی مضبطه دن آکلاشلمش و اعتراض واقع اسباب فسختیه نک اوچنجیسنه مستند بولنش اولمغله بوندن طولانی اتهام مضبطه نک فسخته محکمه تمیز نجه قرار ویرلشدر.

دردنجیسی که حکمی اعطا ایدن هیئت اتهامیه اعضاسنک عدد نجه مقدار قانونیسنک مادوننده بولمسیدر. هیئت اتهامیه لر محاکم استینافیه اقسامندن معدود و اعضای استینافیه حقوقیه دن ترکب ایتسی مشروط بولنش ایکن منحصر آ بولندقلری دائره هیئت قانونیه سنندن بریسنک معذرت مشروعه سی وقوعنده وکاتلری مجاز اولان اعضا ملازمی وباش کاتبلرک هیئت مجموعه سی اوچ ذاتدن تشکل ایدن بر دائره اتهامیه ده اجتماع ایتسی مخالف قانون بولمغله بو نقصان هیئت اتهامیه اعضاسنک عدد قانونیسنندن دون درجه ده متشکل بولنش اولسی اعتباریه مفسوخیت قراری مستلزم اولان اسبابدن بولنشدر.

۲۵۵ نجی ماده اقتضاسنجه مضبطۀ اتهامیه علیننه متهم طرفندن ویریلان مفسوخیت استدعانه سی اوزرینه محاکمه نک تأخیریه اوراق دعوانک محکمه تمیزه ارسالی لازم کاور ایکن اجرای محاکمه ایدلسی نقضی ایجاب ایدر.

بوکا دائر محکمه تمیزدن صادر اولان قرار اسباب آتییه مبتنی ایدی.

۲۵۶ و ۲۵۷ نجی ماده لر ایجاب نجه متهم جانبندن اعطا اولنان مفسوخیت استدعانه سی اوزرینه تحقیقات و معاملات واقعۀ نک محاکمه درجه سنه ایصالیه اجرای محاکمه کیه کیریشلمکسزین اوراقک محکمه تمیزه تسیری مقتضی بولندیغی حالده محکمه استینافیه استدعای واقعک اسباب اربعه دن هیچ برینه مستند بولمندیغندن بحثله محاکمه دوام ایدرک اعطای حکم ایتسی صلاحیت قانونیه سی خارجنده بولندیغنه مبنی اعلامک نقضیه تمیزاً قرار ویرلشدی. (مابعدی وار)

محکمه تمیز اعضاسندن

طلعت

اداره مالکیه وعدلیه نقطه نظرندن

تفریر قوی

حر و عادل حکومتلرک خواص میزه سنندن بری و بلکه برنجیسی دواتی تدویر ایدن قوای مظمه نک یکدیگرندن تفریقیدر. بو قوتلر تمامی استقلال ایله حرکت ایتدکجه اولملکتده حریت وعدالتک ضمان عمومیدی موجود اولدیغنده شبهه اولنور. بر هیئت اجتماعیه ده جبر واستبداد بوقوتلرک یکدیگرینه متداخل و برالده مجتمع اولمسندن و افرادک حقوق انسانیه وطبیعیه سنک مصونیتی تأمین ایده جک کفالت عمومیه ومشترکۀ نک مفقود بولمسنندن در. ایشته حکومت مشروطیه حکومت مطاقه دن تمیز ایدن اسباب واعراض مهمه دن برلیسی بوقوتلرک ایرلسی، یکدیگرینه متداخل ایتمه سیدر.

مونتسکیو روح القوانین نام اثر فنا ناپذیرنده دیرکه «نه وقت بر شخصده ویا بر هیئنده قوه تشریعیه ایله قوه اجرائیه اجتماع ایدر او وقت حریت یوقدر. چونکه عین حکمدارک ویا عین هیئتک اجرات غدارانه ایچون، قوانین ظالمانه تنظیم ایتسندن حذر اولنور.»

«کذلک حکم ایتک اقتداری تقنین واجرا اقتدارندن تفریق ایدلمدیکی حالده دخی حریت یوقدر. اگر افرادک حیات وحریتنه حکم ایتک اقتداری قوه تشریعیه تفویض اولونسه بو عرفی وکیفی بر معامله شکلی آیر. زیرا حاکم، واضع قانون دخی اولمش اولور. قدرت قضا قدرت اجرا ایله اتحاد ایدرسه حاکم، ظالم اولق قوتی دخی حائر اوله بیلور.»

تحریر حکمت وحقیقتده کی عمق نظر بی پایانیله اون سکرنجی عصری جدأ تنویر ایدن وجهیات وحکومات ایچون همانده ناقابل تزلزل دستورلر تأسیس ایلان بو حکیم حقوقک شوقاعده سی بوکون بالجله ام و اقوامک استنادکاه سیاست اداریه سیدر. قدیمدن بری بتون قوانک برالده اجتماعنه الفت ایتمش وبوندن بشقه برقاعده

سياست دولت ادراکنه موفق اولامش بولنان انظار وافکار عمومیهی مونتسکیو افول ناپذیر برنور معرفتله، بر شعله حکمت وحقیقتدن تنویر ایتدی وپاریم عصر کچمه دن انقلاب کبیرک پرولوله وعظمت مجادلاتنک موضوع مهینی تشکیل ایلدی .

فی الواقع انقلاب کبیرک قوه مؤسسه سی مشهور حقوق بشر بیاننامه سنک نشرینی متعاقب اداره حکومتک شکل وطرزینی تعینه کیریشدیکی وقت اعضادن بریسی « قوتلر تفریق اولندجقه استبداد موجود دیکدر » دیه حایقیردی . بوجه مونتسکیونک روح القوانینده کی نظریات موضوعه یی فعلاً احیا وبرطرز عملیه قاب وافرغ دیکدی . نظریات مذکوره ایله انظار وافکاری ذاتاً مشبوع اولان قوه مؤسسه اوزون مناقشاته لزوم کورمکسزین « حقوق افراد قارشی کفالت عمومیه تأمین وقوتلر تفریق ایدلمان جمعیتلرده مشروطیت یوقدر . » قاعده سنی وضع وتأسیس ایتدی . بصورتله برعصری متجاوز زماندن بری « تفریق قوی سربست برحکومتک شرائط اساسیه سنندن » بری اولدی .

قانون اساسینک ابتدای تنظیمنه قدر بزده تفریق قوی حقتده بر فکر مخصوص حاصل اولامشیدی بالجه اقتدار حکومت رؤسای حکومتی مجتمع اولق قاعده سی مملکت مزده هریردن زیاده تأسیس ایتش وهریردن زیاده تأثیرات مضره حاصل ایتش ایدی . افرادک حقوقنه بر تأمینات جدیه موجود اولمادیی ایچون قوه اجراییه دن نبعان ایدن قوانین ینه اوقوت النده بازیچه اولمقدن خالی دکدی . تعدیات حکومت قارشی اکثریا قانوندن بحث اولندیی وقت دکل یالکز وکلای دولتک حتی نفوذداران ولاتک بیله « قانون اساندن صادر اولان کله در » خطابه نه معروض اولق نادرادن دکدی . بصورتله درجه درجه وضع و اجرای قانون اقتداری مقام سلطنتدن الکوچک مأمورلر قدر سربایت ایده بیلوردی . استقلال محاکم ایسه هیچده طانتش الفت ایدلش برشی عد اولنه مازدی . محاکم طوغریدن طوغرییه قوه اجراییهیه مربوط واکا برآلت حکمنده اولدیغندن محکمه لرده امنیت حقوقیه مشکوک ومحاکمک اعلاماتی قوه اجراییه نک « حضور عالیله نه اعلام » اولندیی ایچون حقوق افراد قارشی تأمینات مفقود ایدی . محاکمک قوه اجراییهیه مربوطیتک نتیجه سی اوله رق مقام اجرادن غیر محول استدعاری بیله قبول حقندن محروم ایدی . شو صورتله حق حکم بیله قوه اجراییه نک رخصت ومساعدنه موقوف ایدی .

ایلك دفعه اوله رق ۹۳ قانون اساسی « محاکم هر درلو مداخلاتدن ازاده در » قاعده سنی تأسیس ایدرک قوه عدلیه نک قوای سائرده دن مفترق اوله رق استقلالنی قبول ایتش اولدی . هیئت اعیان ومبعوثانه عائد وظائفک احکام عمومیه سیله ده قوه تشریعه نک استقلالی تأمین اولندی . مأمورین محاکمه سی نظامنامه سیله اداره ملکیه مأمورلرینک استقلالی تأسیس ایتدی بونلری متعاقب تنظیم اولنان اصول محاکمات ایله استقلال محاکم قاعده سی فعلاً تقریر ایدلک ایستلیدی .

آنحقی ۹۳ قانون اساسینک حیات یگروزه سنندن سوکره قوای معظمه حکومتک بتکرار ید واحدده جمع وترکیبی سیاست جبارانه سی تعقیب ایدلدیکنندن استقلال محاکم قضیه سی برآلایش ظاهریدن عبارت قالدی ومحکمه لر قوه اداره نک تغلب مطابق تحتده حرکت مجبور اوله رق افرادک حیات وحریت کبی ال مققدس حقوقنک پامال قهر وتجاوز ایدلمسنه آلت اولق وضع ذیلانله سننده بولندی .

۱۰ تموز وقعه مسعوده سنندن سوکره اداره دولتی تشکیل ایدن قوای عمومیه صلاحیات مشروعه وطبیعه سی اکتساب ایتشدر بزم بوراده کی نقطه نظریمز قوای ثلثه بیننده کی فرقی ایضاح اولیوب اداره عدلیه ایله اداره ملکیه بیننده تفریق قوادن حاصل اولان نتایج حقوقیه اولدیغندن بونتیاهی تدقیق ایتک موافق اولور .

قوه عدلیه ایله قوه اداره نک یکدیکنندن استقلال وافتراقی ایکی اساسی تضمن ایدر :

اولا محاکم عدلیه نک امور ملکیهیه مداخله ایتمه سی ثانیاً مأمورین ملکیه نک محاکم عدلیهیه مداخله ایتمه سیدر .

قوه عدلیه نک امور ملکیهیه مداخله ایتمه سنندن حاصل اوله جق نتایج قانونیه موضوعات حقوقیه مزده بر زمین بحث اشغال ایتمه مش ایسه ده بالجه حکومت مشروطه ده قاعده اساسیه اولق اوزره مابه التطبيق وصرعی الاحکام اولان نتایج آتیه فرانسه قانوننک ۱۳۷ نجی ماده سیله تعین وتوضیح ایدلمشدر . فی الحقیقه ماده مذکوره ده « محاکم هیچ برتدیر اداری اتخاذه نه صالح دکدر . اداره ملکیهیه عائد برمعامله یی نه رفع وتعطیل نه ده اجرادن امتناع ایده بیلور . برمعامله اداریه یی نه تفسیر نه ده اومعامله یی ویا برمأمور اداری یی نقیض وتنقید ویا تقییم وتصویب ایده مز » . دنیلمشدرکه ماده مذکوره نک نتایج اعتباریه مفاد صریحی هر درلو تفسیر ایضاحدن آزاده کوریلور . وبوماده ایله امور ملکیه نک قوه عدلیه دن بالاستقلال حرکت وجریان تأمین ایدلکله قدرت قضانک قدرت اجرادن افتراقی تقریر ایدلش اولدیی کبی اکثریا یک دقیق ونازک مسائل اداره ایله مشغول اولان مأمورین ملکیه اوزرنده اومسائلک رقت ونزاکتی نظر دقته آنق مجبوریتده بولنمان قوه عدلیه نک مداخله سنندن حاصل اوله جق تشوش ادارییه سد چکیلمشدر .

شوقدرکه ماده مذکوره نک وضع ایدلیکی قواعد تفریق قوی نامی تحتده قوه عمومیه حکومتی مداخله محاکمکن آزاده طوتمقده ایسه ده بوقاعده مطلق وقطعی اولیوب آنحقی قوه عمومیه یی تدیر ادارییه عائد مسائلده حمایه یی متکفل اولانغ مقصوددر . یوقسه مأمورینک جرائم شخصی سیله ضابطه عدلیه وظیفه سی حائر ملکیه مأمورلرینک ایفای وظیفه ده کی جرملری بهمه حال قوه عدلیه نک صلاحیت زجریه سی تحتده در .

حتی انقلاب کبیر انناسنده تفریق قوی فیکرنندن بشقه حکامک سوء نیته قارشی مأمورین اداره ایچون

بر تأمینات اولی ملاحظه سیله بر ماده قانونیه وضع ایدلشییدی که ماده مذکوره ایجابجه محاکم قوه تشریعیه واداریه نك امورینه مداخله ایدمه می شویله طورسون مأمورینی وظائف مأموره لرندن طولانی حضور لرینه دعوت ایدمه بیلیمکدن دخی ممنوعدرلر . ماده نك وضعنده ایجابات زمانه دن اولان بعض اسباب سیاسییه ملاحظه قیلنمغه برابر بالخاصه قوه عدلیه نك امور ملکیه مداخله سندن حاصل اوله جق تهله که در پیش ایدلش ایدی فی الحقیقه قوه اداره نك وظائف عدلیه مداخله سی نه مرتبه وخیم ومهلاک ايسه قوه عدلیه نك امور ملکیه مداخله سی ده اونسبتده داعی اندیشه در دولتک منافع عمومیّه معظمه سیله مشغول اولان اداره نك فعالیت ومساعدی توسع ایدرک دیگر حقوق ومنافعه تماس ایتدجه حقی حقنز مقاومتله تصادف ایتک طبیعی اولدیغندن محاکم قوه ملکیه یی ید اقتدارنده بولندیرانلری بلا قید وشرط حضورینه جلب ایدمه بیلیمک اقتدارینی حائر اولورسه اداره نك حرکات میخانیکیه سنک پک تهله کی بر صورتده توقفی موجب اولمی اتمالی هر زمان وارددر .

فقط هیج بر صورتله محاکم حضورینه جلب ودعوت ایدله مه مک دخی مأمورین ملکیه نك عدم مسئولیتی حسنی تولید ایدرک بشقه درلو نتایج وخیمه تولید ایدمه بیلیمکدن فرانسه قانونی بالاخره بر فقره مخصوصه علاوه سیله مسئله یی حل ایتددر . فقره مذکوره « مکرکه حسب القانون مرجعی طرفدن سوق ایدلش اولسون » مآلنده در یعنی محاکم مأمورین ملکیه یی حضور لرینه جلب ودعوت اقتدارندن محروم ايسه لرده اومأمورک لاجل المحاکمه مرجعی طرفندن محکمه یی سوق ایدلش اولمی مسئولیتدار دنیلمشدر شو تقدیرده هر نه قدر قوه عدلیه طوغربدن طوغرییه مأمورین ملکیه علیهنده تعقیبات قانونیه اجراسنه صالح دکل ايسه ده مرجعی طرفدن سوق ایدلک یعنی محاکمه سنی ایجاب ایتدیرر احوال مشاعده اولمی اوزرینه اجرای تعقیباته مآذونیت ویرلش اولورسه احوالده تعقیبات جریان ایدر . دیمک اولورکه مأمورین ملکیه علیهنده تعقیب دعوی بر مسئله متقدمه نك حانه توقف ایدرکه اومسئله متقدمه استحصال مآذونیت کیفیتدر .

مأمورین ملکیه نك سرستی حرکاتی قصدیه موضوع اولان بوتأمینات قانونیه هر کسک حضور محاکمه ونظر قانوننده مساوی اولمی اقتضا ایتدیرن قاعده یی منافی بر امتیاز شکلنده تلقی ایدلیمکدن امتیاز مذکور ناحق یه اشخاصی استحصال عدالتدن منع ایتک ویا هیچ اولمازسه طبیعت مصالحته غیر متناسب شرائطه تابع قیلیمق در یولنده اعتراضاته اوغرامش وبوباده پک چوق مناقشات جریان ایتش اولدیغندن ۱۸۷۰ سنه سنده « هر نوع مأمورین علیهنه تعقیباتی مانع بالجمله قواعد رفع والغا اولندی . »

الحق مسئله متقدمه نك رفی دیمک اولان تعقیباته مانع بالجمله قواعدک الغاسیله مأمورین علیهنه او مرتبه دعاوی وشکایات اقامه ایدلدی که بوندن اداره حکومت جدا متأثر اولدی و آتیا ترتیبی محقق کورونن تهله کدن ناشی القا ایدیلان قواعد مذکوره نك در حال وسرعتله اعاده سنه مجبورت حسن ایدلدی .

(مابعدی وار)

عدلیه مفتشی

یوسف ضیا

اعلان

اوچیوز یکریمی بش سنه سی اعشار ماترملرندن خزینّه جایله یه مدیون اولو قریه سندن ولی افندی اوغلی عثمان بکک دیون معلومه سنک تأمین تسویه سیچون چای جمعه قصبه سنده واقع متوجهاً جانب یمنی خواجه اوغلی احمد افندی دکانی جانب یساری طریق ارقه جهتی وجهه سی کذا طریق ایله محدود تختانی درت باب دکان ومحل مذکورده واقع متوجهاً جانب یمنی صاحب سند دکانی یساری طریق ارقه جهتی وجهه سی کذا طریق ایله محدود بر باب دکانکه جمعاً تختانی بش باب وفوقانی کهنه بش اوطه لی اکیوز اون اتی زراع دکانلرک قرق سکنر حصه ده بش حصه سنک حجز و فروختی قرارلشدیریلهرق تاریخ اعلانندن اون بش کون صکره بلنزایده فروخت اولنه جفی حمیدیه اجرا دائره سندن اعلان اولنور .

**

اوچیوز یکریمی بش سنه سی اعشار ماترملرندن خزینّه مدیون حمیدیه قصبه سندن موم یقماز زاده حاجی عثمان افندی نك دیون معلومه سنک تأمین تسویه سیچون قصبه نك قوملق موقعنده واقع شرقاً لئون افیجه سی غرباً طریق شمالاً کایسا متولسی آغوب عرصه سی جنوباً حراق مصطفی بغیجه سیله محدود ایکی دونم بغیجه نك مستقلاً ویلا نیجه قوز قریه سنده واقع کونی کوزی ترلا سی شرقاً جبه جی اوغلی وچقال اوغلی سنوری غرباً چقال اوغلی سنوری شمالاً وجنوباً جبه جی اوغلی ترلا سیله محدود درت دونم وبوستان یری نام ترلا شرقاً کوسه خایل اوغلی سنوری غرباً جبه جی اوغلی شمالاً کوسه خایل اوغلی جنوباً جبه جی اوغلی ترلا لرله محدود بردونم وارمودلر باشی نام ترلا شرقاً کسیم علی اوغلی ودره غرباً قوقاق اوغلی شمالاً رحمت اوغلی جنوباً دره ایله محدود یکریمی دونم واتلان قارشوسی نام ترلا شرقاً کسیم علی اوغلی غرباً رحمت اوغلی شمالاً یانچی اوغلی جنوباً اقلان ایله محدود بش دونم وقوجه لر نام ترلا شرقاً دره وقاضی اوغلی غرباً کریم بشه اوغلی شمالاً قاضی اوغلی جنوباً قاضی اوغلی سنور لرله محدود ایکی دونم ودیکر قوجه لر نام ترلا شرقاً کریم بشه اوغلی غرباً رحمت اوغلی سنوری شمالاً فدیق بیکاری جنوباً قاضی اوغلی سنور لرله محدود ایکی دونم وجمعه باشی نام ترلا شرقاً اقلان وجامع غرباً قاضی اوغلی شمالاً کسیم علی اوغلی سنوری جنوباً طریق ایله محدود درت دونم ودیکر نام ترلا شرقاً رحمت اوغلی غرباً رحمت اوغلی شمالاً ثمیری جنوباً حاجی سعید احمد ترلا سی ایله محدود ایکی دونم وقبو بکاری نام ترلا شرقاً حاجی عبدالرحمن غرباً بکار ومزارستان شمالاً بکار جنوباً مزارستان ایله محدود ایکی دونم واشانچی تپه جک نام ترلا شرقاً دره غرباً قاضی اوغلی شمالاً کسیم علی اوغلی جنوباً قاضی

اوغلی و قوروم ايله محدود بش دونم و جمعه نام ترلا شرقاً کسيم على اوغلی غرباً رحمت اوغلی شمالاً صاحب سند ترلا سی جنوباً قوروم ايله محدود بش دونم و یا بلر نام ترلا شرقاً چاماق غرباً قوقاق اوغلی شمالاً طریق و جنوباً قوقاق ايله محدود ترلارک یدی حصه ده بر حصه سنک حجز و فروختی قرارلشدیر یلهرق تاریخ اعلاندن اون بش کون صکره بالمزایده فروخت اولنه جنی حمیدیه اجرا دائره سندن اعلان اولنور .

باندرمه نك حاجی یوسف محله سندن طاشچی محمد چاوشك اله جفندن ناشی حاجی یوسف محله سندن نظام احمد زوجہ سی ذمتی و نظام احمد اوغللری مصطفی و ایوبك حجز اولنش اولان باندرمه قصبه سی جوارنده صوغوق صو موقعنده و حیوان یولنده کائن طرفلری پاپوشچی اغوب و دالاق کیرقور و بابا ارا کل اوغلی دیوارچی طانیل باغلری و طریق عام ايله محدود طقوز یوز عدد باغ کرومی و بر عدد جویز و ایکی عدد اینجیر اغاچلرینی محتوی بولنان تخمیناً بر یچق دونم بر قطعه باغلری تاریخ اعلاندن اون بش کون صکره بالمزایده فروخته تشبث اولنه جنی جهتله طالب اولنلرک مراجعت ایملری لزومی باندرمه اجرا دائره سندن اعلان اولنور .

شيله قصبه سنک دکرمنلک محله سنده مقیم اتمکچی اصنافدن میخال اوسته نك قصبه مذکورک یالی بك محله سنده مقیم ضبطیه قره حسینک ترکه سندن بااعلام محکوم به مطلوبی اولان معلوم المقدار مبالغک تأمین اخذ و استیفاسیچون محجوز اولوب فروختی تقرر ایدن بلی بك محله سنک دباغخانه موقعنده کائن طرفلری صاری مصطفی اوغلی بکر ترلا سی و طریق واکشی اوغلی علی ترلا سیله محدود بر قطعه ده ایکی یچق دونم اوقافه ملحق حمزديك وقفندن ثلثان حصه سیله اکشی کوی آلتده وقف مذکوردن طرفلری عثمان و دره ايله محدود و مستقلاً متصرف بر قطعه ده دورت دونم ترلارک تاریخ اعلاندن اعتباراً اون بش کون صکره بالمزایده فروخته تشبث اولنه جنی شيله بدایت محکمه سی اجرا دائره سندن اعلان اولنور .

کمر بورغاز قریه سنده مقیم متوفی طاشونک ورثه سنه قریه مرقومه لی قیوه جی علقونک بااعلام محکوم به دینی اولان مبالغک تأمین استیفاسی ضمتنده مدیون مرقومک عهده تصرفنده اولوب مقدما حجز ایدیلن قریه مذکورده واقع معلوم الحدود بش دونم بر قطعه چایرک یکر می سکزر حصه دن اتی حصه سی وینه بر دونم بر اولک سبزه باغچه سنک کذلک یکر می سکزر حصه دن اتی حصه سی تاریخ اعلاندن اون بش کون صکره موقع فروخته وضع اولنه جنی جهتله طالب اولنلرک مقری کوی قضاسی اجرا دائره سنه مراجعت ایملری اعلان اولنور .

متوفی ترجان اوغلی نقولانک طناش ولد اندون ذمتنده ایکنجی محکمه تجارت اعلامیه محکوم به اولان الاجفندن متوفای مرقوم ورثه سندن لئونیدانک حصه مطلوبونک استیفاسیچون بك اوغلنده قرخاتون محله سنده

قالبونجی قوللنی جاده سنده الی سکزر و مکرر الی سکزر نومرولرله مرقم فوقنده ایکی باب اوطه یی والتنده محزن و برقیو و مشتملات سائرہ یی حاوی سنوی التمش عدد عثمانلی لیراسی ایجار کتورر کارکیر دکانده مدیون مرقومک متصرف اولدینی نصف حصه شایعه سی اشبونیسان رومینک اون یدنجی جمعه ایرتسی کونندن اعتباراً اون بش کون صکره موقع مزایده یه قونیه جفندن اشتراسنه طالب اولانلرک اطرافیه معلومات المق ایستیانلرک محکمه تجارت اجرا دائره سنه مراجعت ایملری دائره مذکورده دن اعلان اولنور .

خیل افندی نك محمد ولی الدین و نجیب افندی لرله اولان دیون محکومه سندن طولای پدیری مصطفی اغا بن خیل عهده سنده مقید بولنان برنجی دائره بلدیہ داخنده صمان و یرن ثانی محله سنده اوزون چارشو جاده سنده درتیوز اوتوز نومرولی دکان دروننده متقرر عبدالحمید خان اول وقفندن کدکی و کوسم سنان وقفندن ملکی و مرجان اغا محله سنده باب سرعسکری جاده سنده وقف مشارالیه مان درت نومرولی فوقنده بر اوطه یی مشتمل بر باب دکانده مدیون مومی الیه انتقال ایدن ثلث عن نصف حصه لدی المذایده اوچ بیك فروش التون اقچه بدل ايله طالبی عهده سنده تقرر ایدرک موقتاً قرارداده سی کشیده قلنمش اولدیغندن تاریخ اعلاندن اعتباراً اوتوز بر کون مدت ظرفنده لااقل یوزده بش ضمیله طالب اولنلرک یوزده اون نسبتنده کی پی اقچه لرینی مستصحباً بك اوغلی اجرا دائره سنه مراجعت ایملری ومدت مذکورنک ختامنه مصادف شهر مایسک یکر می ایکنجی جمعه ایرتسی کونی ساعت طقوز قرارلرنده محلنده صوک مزایده علنیه اجرا و قرار داده قطعینی کشیده اولمق اوزره املاک مذکورہ پیشکاهنه عزیمت ایدرک اولان مأموری مواجهه سنده حاضر بولملری اعلان اولنور .

قول اغاسی علی افندی نك ادهم اغا ذمتنده کی مطلوب محکوم به نك تأمین استیفاسی ضمتنده دائن مومی الیه عهده سنده وفاء مفروغ و فروختی حکم اعلامه مستند اولان کاغذخانه قریه سنده طایبه جاده سنده قرق زراع مقداری عرصه اوزرینه مبنی بر نومرولی و بر اوطه یی مشتمل بر باب خانه لدی المذایده بیك یوز غروش آلتون اقچه بدل ايله طالبی عهده سنده تقرر ایدرک موقتاً قرار داده سی کشیده قلنمش اولدیغندن تاریخ اعلاندن اعتباراً اوتوز بر کون ظرفنده لااقل یوزده بش ضمیله طالب اولانلرک یوزده اون نسبتنده کی پی اقچه لرینی استصحباً بك اوغلی اجرا دائره سنه مراجعت ایملری ومدت مذکورنک ختامنه مصادف شهر مایسک یکر می اوچنجی بازار کونی ساعت بش راده لرنده املاک مذکورہ پیشکاهنه عزیمت ایدرک اولان مأموری مواجهه سنده حاضر بولملری اعلان اولنور .

اسماعیل حق افندی نك طوپخانده چقور جمعه محله سنده جامع شریف قارشوسنده واقع کمرک مفتشلرندن حسن بک خان سنده مستأجراً ساکن الیوم اقامتکاهی مجهول یانیدن پدر و مورثی متوفی فرانغولینک

ترکسه اضافه الی عدد لیرای عثمانیک ایکسوز قرق درت بچق غروش مصارف محاکمه سیله برابر تحصیلنه دائر بک اوغلی بدایت محکمه سی برنجی حقوق دائره سندن صادر اولوب مرقوم یانی ولد فرانغولینک اقامتکاهی مجهول اولمقدن ناشی غرتله اعلان صورتیه معامله تبلیغیه سی ایفا ایدیلرک مدت قانونیه سی مرور ایدن ۲۴ اغستوس ۳۲۵ تاریخ ویش یوز الی ایکی نومرولی حکم غیابی اعلانک تنفیذ و اجراسی ضمنده مومی الیه اسماعیل حق افندی طرفدن بوکره موقع اجرایه وضع اولنه رق محکوم علیه مرقوم یانی ولد فرانغولی به اخبارنامه نك اعلان صورتیه تبلیغی طاب ایلمسه بناء اجرا قانوننک یکریمی طقوزنجی ماده سی حکمنه توفیقاً تاریخ اعلاندن اعتباراً طقسان برکون طرفنده اثبات وجود ایدرک محکوم به دینی ایفا و تسویه ایتسی ایچون مرقوم یانی ولد فرانغولی نامنه تنظیم قانان اخبارنامه اجرا دائره سی دیوانخانه سنه تعلیق اولندیغی کی مدت مذکوره انقضاسنده مدیون مرقوم اثبات وجود ایتیز ایسه دینک ایفاسندن امتناع ایتیش عد اولنه جغندن معامله لازمه قانونیه نك ایفا قلنه جنی و تبلیغ کیفیتی دخی معلوم اولق اوزره اعلان اولنور .

* *

بک اوغلی ایکنجی حقوق محکمه سندن صادر اولان ۲۵ مارت ۳۲۰ تاریخلو و ۱۹ نومرولی اعلام موجبجه متوفی ابراهیم افندینک نافتالی و میشون بابانی افندیلره دینی اولان مبالغ معلومه دن ایکسوز قرق یدی بچق لیرانک تأدیه سنه کفالت ایدن متوفای مرقومک ورثه سندن معمر بکک ادادن امتناع ایلمسندن طولانی متوفای مرقومدن کندوسنه عاذاً انتقال ایدن غلطه ده امکیمز محله سنده شیشخانه و اوچقی موسی جاده سنده سکیز و اون و اون ایکی و اون درت نومرولر ایله مرقم دکانی مشتمل یدی نومرولو بر باب آپارتمانک قرق سکیزده درت نسبتنده کی حصه شایعه سنک بالمزاید فروختی تحت قراره آلدیغسندن تاریخ اعلاندن اعتباراً اون بش کون صکره مزایده به ابتدار اولنه جغندن طالب اولنلرک ودها زیاده معلومات المق ایستیانلرک بک اوغلی اجرا دائره سنه مراجعت ایتلری اعلان اولنور .

* *

ایکنجی دائره بلدییه کتبه سندن صائب افندینک درسعادت بدایت محکمه سی ایکنجی دائره سنه اعطایلدیکی عر فخالده پدری ثروت افندینک عهده تصرفنده اولوب اون اتی بیک غروش مقابلنده الیوم اقامتکاهی مجهول بونان سلیمان افندی زوجیه سی نفیسه خاتمه وفاء فراغ ایلدیکی بر باب خانه نك اعاده فراغه مزبوره نفیسه خانمک مجبوره طوتکی طلب و دعوی ایدلش و مزبوره نك اقامتکاهی مجهول بولنسی حسیله اولابده کی استدعا صورتی ایله تنظیم قلنان ورقه دعوتیه محکمه دیوانخانه سنه تعلیق قلنه رق محاکمه نك اوچیز یکریمی اتی سنه سی مایسنک یکرمنجی پنجه کونی ساعت اوچ بچق راددرلنده اجراسی قراراشدیرلش اولدیغندن یوم و وقت مذکورده مدعی علیهای مزبوره نك بالذات محکمه مذکوره کلسی و یاخود طرفدن بروکیل کوندرمه سی و عکسی حالنده حقنده معامله غیاییه نك اجرا قلنه جنی معلوم اولق اوزره اصول محاکمه حقوقیه قانوننک یکریمی نتیجی ماده سی موجبجه کیفیتک اعلاننه ابتدار اولنور .

بیوک آطه ده پروانه زقاغنده متمکن ایکن وفات ایدن تبعه یونانیه دن نیقوله ولد استباط مقاربوطک اصحاب خیراتدن دارالسعاده اغای اسبق مرحوم طیفور اغانک نقود موقوفه سنه دینی بولنان سکسان عدد لیرای عثمانی مقابلنده عهده سندن اولوب مرهون بولنان بیوک آطه ده پروانه زقاغنده واقع یدی نومرو ایله مرقم عرصه سی شهزاده سلطان محمد وقفنه مقاطعه لو و اوزرنده موجود بالجمله اینیه سی ملک بر باب فرونک فروختیه اتمانندن دین مذکورک تسویه سی حقنده اوقاف هایون محکمه سندن اعطا قلنان ۲۴ صفر ۳۲۸ تاریخلی اعلام شرعینک صورت مصدقه سی اولابده تنظیم قلنمش اولان اخبارنامه ورقه سیله برابر متوفای مرقومک ورثه سندن مخدومی لئونیاده تبلیغ ایدلش ایسه ده دیگر مخدومی یانی پولیدروس ایله کیره کریمه سی قاتینه نك بولنه مامسندن و محل اقامتلی مجهول بولنمندن طولانی مرقومانه تبلیغ ایدیله مامش و اصول محاکمات حقوقیه قانوننک یکریمی طقوزنجی و اجرا قانوننک یکریمی نتیجی ماده لرینه توفیقاً تنظیم قلنمش اولان اخبارنامه اولابده کی اعلام شرعی صورت مصدقه سی ربط ایدیلرک دائره اجرا دیوانخانه سنه تعلیق ایدلش اولمغه تاریخ اعلاندن اعتباراً طقسان برکون طرفنده دائره اجرایه بالمراجعه اثبات وجود ایله شایان قبول برکونا اعتراض درمیان ایدلمدیکی حالده کندولرینه تبلیغات اجرا قلنمش نظریله باقیله رق ختام متده حکم اعلامک اجراسنه ثبت اولنه جنی درسعادت اعلامات شرعیه اجرا دائره سندن اعلان اولنور .

* *

تاغراف و پوسته اداره عمومیه سنه اولان دین محکومینک تأمین تسویه سی چون اغوب بویاجیان افندینک عهده تصرفنده اولوب مجوز بولنان بیوکدرده کولمز زوقاغنده کائن دروننده بر چاشورخانه و بر لیونلق وضو خزینه سی مشتمل اطرافی تیمور پرمقارله محاط ایکیدیک زراع واسپانیا و چوبان اوغلی زقاقرلنده واقع دروننده اشجار مشمره و غیر مشمره یی و ایکی حوض ایله طلومبه یی بر قیوی مشتمل اوچیک طقوز یوز سکسان زراع و چوبان اوغلی زوقاغنده درتیوز سکسان اوچ زراع وینه چوبان اوغلی سوقاغنده درتیوز التمش سکیز زراع و پیقولی و شرانخانه زوقاغنده درتیوز یکریمی اتی زراع بش قطعه عرصه بوندن اقدام موقع مزایده قونیه رق عثمانی لیراسی یوز غروش حسیله ایکی بیک زراع محل اون بیک غروشده و اوچیک طقوز یوز سکسان زراع محل اون بیک و درتیوز سکسان اوچ زراع محل بیک غروشده و درتیوز التمش سکیز زراع محل بشیوز غروشده و درتیوز یکریمی اتی زراع محل کذا بشیوز غروشده طالبی عهده سندن قالمش و شهر نیسان رومینک یکریمی ایکنجی کونندن اعتباراً اوتوز برکون غایه سنده یعنی کله جک شهر مایس رومینک یکریمی اوچنجی بازار کونی ساعت سکیزه قدر محنده صوک مزایده سنک اجراسی و فرداسی کونی دخی دائره اجرایه قرار قطعینک اعطاسی مقرر بولنش اولمغه اولوقته قدر یوزده بش ضم قبول ایدیله جکندن واندن صکره هر نه ضم وقوع بولور ایسه قبول ایدیله جکندن املاک مذکورنک یوزده بش ضمیمه اشتراسنه طالب اولانلرک ودها زیاده معلومات المق ایستیانلرک بدل

مزایده نك عشرینه مساوی پی آنچه سیله برابر مدت مزبوره ظرفنده محكمه تجارت اجر دائره سته مراجعت ایللری و صوك مزایده كونی مذکور املاك پیشگاهنده مأموری مواجهه سنده حاضر بولملری دائره مذکوردهن اعلان اولنور .

سرکه جی اسکله سنده ادرنه اوتلی تحتنده دکانده مقیم اشجی اصنافندن احمد رمضان اوسته نك وکیل عمومسی مراد افندی موکلی مرقومك مقدما غلطه ده ساکن ایکن الیوم محل اقامتی مجهول بولنان صندوقی نیکدهلی علی اوسته علیه در سعادت بدایت محكمه سی ایکنجی حقوق دائره سنده اقامه ایلدیکی الاجق دعواسندن طولانی برای محاکمه تسطیر ایدیلان دعوتنامه اصول محاکمه حقوقیه قانوننك یکریمی التنجی ماده سی منطوقجه محكمه دیوانخانه سته تعلیق ایدلمش و امر محاکمه نك سنه حاضره مایس نك بشنجی چهارشنبه كونی ساعت درت راده لرنده اجراسی مقرر بولنش اولدیغندن مدعی علیه مرقوم علی اوسته نك یوم و وقت مذکورده بالذات محكمه یه کلیسی و یاخود طرفندن بر وکیل کوندره سی و عکسی تقدیرده معامله قانونیه نك اجرا اولسه جی معلوم اولمق اوزره کیفیتك اعلانه ابتدار اولنور .

تجارت بحریه محكمه سنجه افلاسنه قرار ویریلرک معاملات افلاسیه سی اونیون صورتیه نتیجه نلمش اولان مادام تره ز حصارك غلطه ده تونل جاده سنده اوتوز اوچ نومرولو مغازه سنده موجود اولوب عطریات نوعندن بولنان اموالنك طویدن صائیه جغه دائر وقوع بولان اعلانات اوزرینه اول صورتله اشترايه طالب ظهور ایتاماسنه بناءً بلمزایده پراکنده صائیه تقرر ایلش اولمغه اشبو مایسك اوچنجی بازار ایرتسی کونندن اعتباراً صائش معامله سته مبادرت ایدیه جکندن اشترايه طالب اولانلرک یوم مذکوردهن بالاعتبار ایام تعطیلیه مستثنا اولمق اوزره ساعت اوچدن اونه قدر مذکور مغازه یه مراجعت ایللری اعلان اولنور .

کلبانه قادینك متوفیه ویرزینی قادین ترکه سندن با اعلام شرعی الهجینی اولان مبالغ معلومه نك تأمین تسویه سی ضمننده مدیونه متوفیه نك عهده سنده اولوب ترکه دن معدود و محجوز و اعلام نظامی ایله فروختی محکوم بولنان اسکدارده التونی زاده محله سنده سلامسز طوپخانه لی اوغلی جاده سنده واقع اوتوز بش نومرولی ابنیه سی ملک زمینی عبادا ازا وقفه مقاطعه لو بر باب خانه ایله اوتوز نومرولی بر قطعه عرصه نك سکز یوز اون حصه اعتباریه الی درت حصه سی لدی المزیاده لیرای عثمانی یوز غروش حسابله بیک اوچیوز الی غروش بدل ایله طسابی اوزرنده تقرر ایدرک موقت قرار داده سی کشیده قلنش اولدیغندن یوزده بش ضمیمه طالب اولانلرک اشبو تاریخ اعلانندن اعتباراً اوتوز بر کون ظرفنده دائره اجرایه و صوك مزایده نك یوم اجراسی اولان مایس رومینك اوتوزنجی بازار ایرتسی كونی ساعت درت راده لرنده مذکور خانه

وعرصه قربنده حاضر بولنه جق مأمورینه مراجعت ایللری لزومی صوك دفعه اوله رق در سعادت اعلانات شرعیه اجرا دائره سندن اعلان اولنور .

استانبولده مارپوشجیلرده بویاجی خاننده مقیم رفائیل قاحی افندینك اجزا تاجری فیس ده مزیک و قومپانیه سی فرانچ مزیک افندی ده محکوم به آله جی اولان طقسان سکز لیرای استیفا ایده مامسندن طولانی تجارت بحریه محكمه سنده اقامه ایلدیکی افلاس دعواسی اوزرینه مدعی علیه مومی الیه فیس ده مزیک و قومپانیه سی فرانچ مزیک افندی اقامتکاهی عد اولسان بك اوغلنده افا جامع جوارنده بلا نومرو خانه یه بوبابده کی ورقة دعوتیه مباشر واسطه سیله ارسال ایدلمش ایسه ده مذکور خانه دن محل آخره نقل ایلش و بناءً علیه الیوم اقامتکاهی مجهول بولنش اولدینی مشروحات واقعندن اکلاشلمسنه و یوم محاکمه دخی اوچیوز یکریمی الی سنه سی شهر مایس رومینك یکریمی التنجی چهارشنبه كونه تعیین ایدلمسنه بناءً اصول محاکمه حقوقیه قانوننك یکریمی التنجی ماده سندن فقره اخیره سی موجبجه لاجل المحاکمه یوم مذکورده بالذات محكمه ده حاضر بولنش و یاخود مصدق سندله بروکیل کوندره سی لازم کله جکی وشاید کلز و وکیل کوندرمز ایسه غیاباً رؤیت دعوی اولنه جی معلوم اولمق اوزره تنظیم اولنان دعوتیه ورقه سی علی الاصول محكمه دیوانخانه سته تعلیق قلندیگی کی اوراق حوادث واسطه سیله دخی اعلانه ابتدار اولنور .

باندیره نك پاشامسجد محله سندن چاقر امراه بن عبداللهك آله جغندن ناشی چنارلی محله سنده مقیم قصاب تاتار مستانك حجز اولنش اولان لواطیه موقعنده کائن طرفلری تاتار محمد باغلی و اراضی حالیه ایله محدود و تخمیناً ایکی دونم بر قطعه باغنك تاریخ اعلانندن اون بش کون صکره فروخته تشبث اولنه جغندن طالب اولنلرک مراجعت ایللری لزومر باندیره اجرا دائره سندن اعلان اولنور .

باندیره نك جابی محله سندن علی بك اوغلی نعلبند مراد و همشیره سی بدریه نك اعلامه مربوط آله جغنك تأمین استیفا سی ضمننده جابی محله سندن متوفی علی بکك محله مذکورده کائن متصرف اولدینی فوقانی براوطه و تحتانی اوچ اوطه و تخمیناً اون بر آرشون عرضنده و اوتوز آرشون طولنده بر قطعه خانه بغچه سی شامل معلوم الحدود بر باب خانه سی مقدما تحت حجزه آلنه رق عند المزیاده یدی بیک غروش بدل ایله طابی عهده سنده تقرر ایدوب موقت قراردادده سی کشیده قلندیغندن تاریخ اعلانندن اعتباراً اوتوز بر کون صکره حاله قطعیه سی اجرا قلنمق اوزره لا اقل یوزده بش ضم ایله شرایه طالب اولانلرک باندیره اجرا دائره سنده مراجعتلری اعلان اولنور .

جهت التزامدن طولانی مالیه خزینه سنده مدیون بولنان نارلی قریه سندن چاقر دیمتر کینك اجرا دائره سی

معرفتيه اصولاً تحت حجزه الدبريلان قريه مذ كورك كون بوكن موقعه شرقاً محمد افندی غرباً خرستو
ديلي كريمه سي قيرلان توجه شمالاً محمود افندی جنوباً استياني يقيملي ايله محدود اون سكز دونم بر قطعه
زيتونلجي تاريخ اعلاندن اعتباراً اون بش كون صكره بالمزايده فروخت اولنه جغندن طالب اولانلرك ايواجق
بدايت محكمه سي اجرا دائره سنه مراجعت ايتملي اعلان اولنور .

* *

باندرمه لي متوفى مهران ولد بككر ورثه سنك اعلامه مربوط آله جغندن ناشي باندرمه بيت المال ايله توحيداً
ومشترکاً فروختي قرارلشد دبريلان باندرمه نك تپه باشي محله سندن متوفى بوركجي امين اغا و زوجة سي خديجه
بنت عبداللهمك متصرف صغير يولي محله سنده واقع معلوم الحدود تخميناً آلتش آرشون عرصه اوزرينه مبنی
تحتانی بر اوطه و بر مطبخ و فوقانی بر اوطه و بر صوفی شامل بر قطعه خانه نك تمامی تحت حجزه آلهرق
عندالمزايده درت بيك طقوز يوز غروش بدل ايله طایي عهده سنده تقرر ايدوب موقت قراردادده سي کشيده
قائدیغندن تاريخ اعلاندن اعتباراً اوتوز بركون صكره حاله قطعيه سي اجرا قلنمق اوزره لال ال يوزده بش
ضم ايله شرايه طائب اولانلرك باندرمه اجرا دائره سنه مراجعت ايتلري اعلان اولنور .

* *

جهت كفالتدن طولاي ايتام صندرقه مديون بولنان عربلر قريه سندن حاجي امين اغا مخدومي صالح
افندي نك اجرا دائره سي معرفتيه اصولاً تحت حجزه الدبريلان قريه دروننده اطراف اربعه سي يول ايله محدود
بر باب ياغ منكنه سي وينه قريه مذ كورك مانده لر حويلرندن شرقاً بوزحالی و دره شمالاً كذی جنوباً كريم اغا ايله
محدود بر وينه موقع مذ كورده شرقاً بوزحالی شمالاً بوزحالی غرباً و جنوباً دره ايله محدود بروينه سزاق
موقعه شرقاً محمد اغا غرباً قدير محمد شمالاً ادهم جنوباً دره ايله محدود ايكي قطعه دره برکه جمعاً اوچ قطعه
ترلا سيله كافر چاقينده شرقاً كريم اغا غرباً عثمان اغا شمالاً حالي جنوباً ماضي ايله محدود بر قطعه زيتون
بغچه سي تاريخ اعلاندن اعتباراً اون بش كون صكره بالمزايده فروخت اولنه جغندن طالب اولانلرك ايواجق
بدايت محكمه سي اجرا دائره سنه مراجعت ايتملي اعلان اولنور .

* *

بروسه سنجاني داخلنده كائن بروسه نك قشقریق محله سندن حسين اوغلي عثمانی قتل و صالحي جرح
ايلسندن طولاي غيباً هيئت اتهاميه دن جنايته اتهام ايديلان در سعادتك صاتييه جهتنده حاجي قادين محله سنده
صولي مناستر زوقاغنده يوز يكرمي يدي نومرولي خانه ده مقيم كيرشجي لئون ولد اغوب عقيب وقعه دن برو
فرارده اولوب هنوز اثبات وجود ايتامش اولديغندن اصول محاكات جزايه قانون موقت نك اوچيوز تيش
برنجي ماده سنه توفيقاً اشبو ۱۸ نيسان ۳۲۶ تاريخندن اعتباراً كندوسنه جانب رياستدن مجدداً اون كون مهل
ويرلش اولمغه مدت مذ كوره ظرفنده محكمه يه كديكي حاله قانونه اطاعت ايتامش نظريه باقيله رق حقوق
مدنيه دن اسقاط قلنه جني و محاكمه غيابيه سي بالا اجرا اموالی حجز ايديله جكي و بواننده بركونا دعوى اقامه سنه
حق اوله ميه جني و بولنديني محلي بيلنلر خبر ويرمكه مجبور اولوب هر بر قوه ضابطه كندوسني اخذ و كرفته
مأمور ايدوكي اعلان اولنور .

برهانيه قضاسنه تابع يونسلر و تحت حجز قريه لرينك اوچيوز يكرمي درت سنه سي حبوبات اعشار ملتزمي
رشيدلي اعيان اوغلي ملا حسنك برهانيه ديون عموميه اداره سنه اولان دينك تأمين استيفاسي ضمننده
رشيد قريه سنك چشمه يري قارشوسنده كائن شرقاً علي اونياشي اوغلي عثمان و غرباً ابراهيم شمالاً چشمه جی
يوزكي جنوباً سليمان ايله حدود بر قطعه زيتونلجي تاريخندن اون بشكون صكره بالمزايده صاتييه جغندن اشترايه
طالب اولانلرك برهانيه اجرا دائره سنه مراجعت ايتلري اعلان اولنور .

* *

برهانيه قضاسنك اوچيوز يكرمي درت سنه سي حبوبات اعشار ملتزمين رشيدلي ملا حسنك ديون
عموميه اداره سنه اولان دينك تأمين استيفاسي ضمننده قريه مذ كورده كائن رشيد قريه سنك قبرستان نام محله
كائن شرقاً اعيان اوغلي احمد غرباً طريق شمالاً كمرلي حسين علي جنوباً قبرستانلق ايله محدود بر قطعه اون
دونم ترلا سي عندالمزايده اوچبيك غرو شده طايي عهده سنده تقرر ايتمكه بوندن زياده طائب اولانلرك
اوتوز بركون ظرفنده يوزده بش ضم ايچون برهانيه اجرا دائره سنه مراجعت ايتلري اعلان اولنور .

* *

برهانيه قضاسنك اوچيوز يكرمي درت سنه سي حبوبات اعشار ملتزمي رشيدلي اعيان اوغلي ملا حسنك
ديون عموميه اداره سنه اولان دينك تأمين استيفاسي ضمننده قريه مذ كورده كائن رشيد قريه سنك خرق
التي نام محله كائن شرقاً چاي غرباً حاجي اسماعيل شمالاً چاي جنوباً هودار اوغلي رجب يقيمليله محدود
بر قطعه يكرمي بش دونم ترلا عندالمزايده ايكي بيك غرو شده طايي عهده سنده تقرر ايتمكه يوزده بش ضمله
طالب اولانلرك اوتوز بركون ظرفنده برهانيه اجرا دائره سنه مراجعت ايتلري اعلان اولنور .

* *

برهانيه قضاسنه تابع طايي ايلي قريه سنده اوچيوز يكرمي بش سنه سي حبوبات اعشار ملتزمي حاجي
حسينلري ملا خليل برهانيه ديون عموميه اداره سنه اولان دينك تأمين استيفاسي ضمننده محجوز امرود
آباد ناحيه سنك حاجي حسنلر قريه سنده كائن معلوم الحدود بر باب ياغ منكنه سي قريه مذ كورك قريه ده كائن
معلوم الحدود دكان مع اوطه ايكي قطعه اموال غير منقوللري تاريخندن اون بشكون صكره بالمزايده صاتييه جغندن
اشترايه طالب اولانلرك برهانيه اجرا دائره سنه مراجعت ايتلري اعلان اولنور .

* *

قوشاچي ابراهيم افندي نك عهده سنده اولوب حافظ تحسين افندي يه با اعلام شرعي محكوم اولديني دينندن
طولاي محجوز و اعلام نظامي ايله فروختي محكوم بولنان چارشوي كير جوارنده مرجان اغا محله سنده
قوشاچي خاني دروننده اوست قانده واقع اون نمره ايله مرقم بر باب اوطه دروننده مستقر اوطه كدك نك
نصف حصه شايه سي لدى المذايده ليراي عثمانی يوز غروش حسابيله التيوز غروش بدل ايله طايي اوزرنده

تقرر ايدرك موقتاً قرار داده سي کشيده قلمش اولديغندن پوزده بش ضميله طالب اولنلرك اشبو تاريخ
اعلانن اعتباراً اوتوز بر کون ظرفده دائره اجرايه وصول مزايده سنک يوم اجراسي اولان مایسک اوچنجي
پازار ايرتسي کونی ساعت طقوزده محلسده حاضر بولنه حق مأموره مراجعت ایللری درسعات اعلامات
شرعيه اجرا دائره سندن اعلان اولنور .

۵ مایس سنه ۳۳۶

جريدة عدليه علاوه سي

نومرو ۱۱

انجمن عدليه مقرراتی

بدايت تشکيلات عدليه دن شيمدی به قدر انجمن عدليه دن صادر اولان مقرراتک جمع و تلفیق ايله
استفاده عموميه بی تأمین ایتک اوزره طبع ونشری قرارلشدیرلمشدی .
بيک ايکيوز طقسان اتی سنه سی حزينانندن طقسان سکيز سنه سی نهايته قدر اتخاذ اولنان مقرراتی
حاوی برنجی جلد بوکره برصورت نفیسه ومکمله ده طبع وتثیل ایدلمش وجريده عدليه اداره سنده فروخت
اولنمده بولنمشدر .

مقررات مذکوره عموم مأمورین عدليه ومنتسبین حقوقک تنوير افکارينه خادم اوله جنی درکار اولديغندن
آرزو ایدن ذواتک اداره مذکوره دن اشترا بیورملری لازم کلیر .
فیاتی درسعات ایچون ۱۰ ، طشمره ایچون پوسته اجرتيله ۱۲ غروشدر .

